



文獻通考卷之二百五十八

宋鄱陽馬端臨貴與著

帝系考

明蘄陽馮天馭應房校刊

公主

唐堯二女長曰娥皇次曰女英以妻舜

孟子舜尚見帝帝館甥于貳室亦饗舜迭為賓主尚上也舜

帝堯也貳室副宮也堯舍舜於副宮而就饗其食堯之於舜使其子九男事之二

女女焉百官牛羊倉廩備以養舜於畎畝之中

商帝乙歸妹以祉元吉

周武王以元女大姬配虞胡公而封之陳以備三恪

詩何彼穠矣美王姬雖則王姬亦下嫁於諸侯車服不繫其

夫下王后一等猶執婦道以成肅雝之德也下王后一等謂

淪程也疏曰王后五輅重翟為上厭翟次之六服褱衣為

上淪翟次之天子尊無二上故其女可下王后一等若諸侯



之女下嫁則從其夫之爵何休云天子嫁女於諸侯備姪娣如諸侯禮皇而蓋云武王五男二女元女妻胡公王姬宜為膠今何得適齊侯之何彼穠矣唐棣之華曷不肅雖王姬之子何休事未可據也

車禮猶戎戎衣厚貌唐棣移也今之郁李王姬下嫁於諸侯能敬與和肅雖者王姬而曰王姬之車不敢指切之何彼穠也唐棣之華華如桃李皆言三姬容色之盛美也

矣華如桃李平王之孫齊侯之子武王女文王孫適齊侯之子其辭匹敵則其鈞維何維絲伊緡齊侯之子平王之孫合而為絲猶男女合而為昏言侯子三孫宜為偶如合絲為綸

魚莊公元年秋築王姬之館于外

左氏傳為外禮公在諒闇處齊侯當親迎不忍便以禮接於委罪於彭生魯不能讐齊然喪制未畢故異其禮得禮之變

公羊傳何以書譏爾築之禮也于外非禮也

以言外知有築內之道也于外非禮也禮下羣公子之上也時魯以于外何以非禮據非築于外非禮將嫁女于讐國故築于外于外何以非禮據非築于外非禮也魯本自得讐為辭無為受命而外之故曰非禮其築之

何以禮據禮當主王姬者必為之改築主王姬者曷為必為

之改築據諸侯宮非一於路寢則不可小寢則嫌皆所以羣公子之

舍謂女公則以卑矣其道必為之改築者也以上傳言

夫人之下羣公穀梁傳築禮也于外非禮也外城築之為禮

何也主王姬者必自公門出公門之內築節築之外變

之正也築之外變之為正何也仇讐之人非所以接婚姻也

衰麻非所以接弁冕也親迎服祭服重婚其不言齊侯之來

逆何也不使齊侯得與吾為禮也

初學記昔堯女有娥皇女英舜妹有敷手舜女有宵明燭

光易有帝乙歸妹周武王之女嫁于陳並未有封邑之號

至周中葉天子嫁女于諸侯天子至尊不自主婚必使諸

侯同姓者主之始謂之公主秦代因之亦曰公主漢制帝



女為公主帝姊妹為長公主漢制皇女皆封縣公主儀服同藩王

秦二世時十公主砒死於杜皆始皇女也

漢制皇女皆稱縣公主師古曰天子不親主婚故謂之公主諸侯即自主婚故其女號翁主翁者父也

儀服同列侯其尊崇者加號長公主儀服同藩王諸王女皆封

鄉亭翁主儀服同鄉亭侯漢書謂齊厲王姊為紀翁主以列侯尚

公主王吉日漢家列侯尚公主諸侯則國人承翁主使男事女夫誅於婦逆陰陽之位故多女乳諸公主家

令門尉皆屬宗正又有主傳東方朔傳師古曰傳冊也中府東方朔傳

館陶公主中府師古曰中府掌金帛之職

太上皇一女

昭哀后高帝姊初封宜夫人呂后七年尊曰昭哀后

高祖一女

魯元公主宣平侯張敖尚之孝惠時齊悼惠王尊為魯元太后

文帝二女

館陶長公主竇后生女也文帝即位為館陶長公主師古曰年長故謂長公主堂邑侯陳午尚之見竇后傳

昌平公主周勃太子勝之尚之見周勃傳

景帝三女

平陽公主王皇后長女本陽信長公主也為平陽侯曹壽所尚故稱平陽公主壽有惡疾上乃詔衛青尚平陽

主見青傳

南宮公主王皇后女

隆慮公主王后少女並見王皇后傳

武帝五女

鄂邑蓋長公主昭帝姊燕刺王傳云食品鄂而為蓋侯妻也張晏云蓋侯王信師古曰信不取鄂主為妻

當是信子須侯克耳

夷安公主隆慮公主子昭平君尚見東方朔傳

衛長公主外戚傳云子夫生三女長主衛太子姊也帝以妻藥大見郊祀志



諸邑公主

五行志征和二年巫蠱事與帝女諸邑公主陽石公主皆下獄死

陽石公主

是上又武紀注云二公主皆衛皇后女

宣帝二女

館陶公主

華婕妤女名施子定國子于永尚

敬武公主

張臨尚元帝令薛宣尚後王莽白太后賜藥死見宣傳

元帝三女

平陽公主

傳昭儀女

平陽公主

衛婕妤女見中山衛姬傳

潁邑公主

杜業尚

西漢和蕃公主

高帝罷平城歸是時冒頓單于兵彊控弦四十萬騎數苦北邊上患之以問婁敬敬曰陛下誠能以適長公主妻單于厚奉遺之彼知漢女送厚蠻夷必慕以為閼氏生子必為太子代單于

冒頓在固為子壻死外孫為單于豈曾聞外孫敢與大父抗禮哉可毋戰以漸也若陛下不能遣長公主而令宗室及後宮詐稱公主彼亦知不肯貴近無益也高帝曰善遣長公主呂后泣曰妾唯一太子一女奈何棄之匈奴上竟不能遣長公主而取家人子為公主妻單于使敬社結和親約妻敬傳

惠帝二年以宗室女為公主嫁匈奴單于

本紀

匈奴老上單于初立文帝復遣宗人女翁主為單于閼氏使宦者中行說傳翁主匈奴傳

孝景五年遣公主嫁匈奴單于

本紀

孝武元封中烏孫昆莫使使獻馬願得尚漢公主為昆弟天子問羣臣議許曰必先納聘然後遣女烏孫以馬千匹聘漢遣江都王建女細君為公主以妻焉賜乘輿服御物為備官屬宦官侍御數百人贈送甚盛昆莫以為右夫人昆莫年老欲使其孫



尚公主公主不聽上書言狀天子報從其國俗岑陁遂妻公主  
生一女少夫公主死漢復以楚王戊之孫解憂為公主妻岑陁

西域傳

甘露三年楚公主上書言年老思土願得歸骸骨塋漢地天子  
聞而迎之公主與烏孫男女三人俱來至京師時年且七十賜  
田宅奴婢奉養甚厚朝見儀比公主

西域傳

元帝竟寧元年匈奴呼韓邪單于復入朝自言願婿漢氏以自  
親帝以後宮良家子王嬃字昭君賜單于單于驩喜昭君寧胡  
閼氏生一男呼韓邪死休案單于復妻王昭君生二女長女為  
須卜居次小女為當于居次

居次者匈奴之號若漢言公主也見匈奴傳

後漢制同前漢其後安帝姊妹亦封之長公主同之皇女  
清河孝王其皇女封公主者所生之子襲母封為列侯皆傳國于  
後鄉亭之封則不可傳襲

永初元年鄧太后封清河孝王慶女十一人皆為鄉亭公主分食邑俸

諸公主置家令一人

東觀漢記曰其主薨無子置傳一人守其家

南頓君三女

湖陽長公主黃

新野公主元適鄧晨

寧平長公主伯姬適李通

世祖五女

舞陽長公主義王適梁松

涅陽長公主中禮適竇固

館陶公主紅夫適韓光

滎陽公主禮劉適郭璜

酈邑公主綬

一作綬

適陰豐

顯宗十一女

獲嘉長公主姬適馮柱

平陽公主奴適馮順

隆慮公主迎

或作適

景襲

平氏公主次

不言所適史闕文後倣此

沁水公主致適鄧乾

平臯公主小姬適鄧蕃

浚儀公主適王度

武平長公主惠適來校



魯陽公主臣

樂平公主小迎

成安公主小民

肅宗三女

武德長公主男

平邑公主王適馮由

陰安公主吉

和帝四女

脩武長公主保

共邑公主成

臨潁公主適賈建

聞喜公主興

順帝三女

舞陽長公主生

冠軍長公主成男

汝陽長公主質

桓帝三女

陽安長公主華延適伏全

潁陽長公主堅

陽翟長公主脩

靈帝一女

萬年公主某

魏制公主有家令僕承行夜督郵

太祖女

清河長公主適夏侯楙

金鄉公主適何晏

文帝女

東鄉公主

明帝女

平原懿公主

早夭追封帝取酈皇后從孫黃少之喪與主合葬進封黃列侯以郭德嗣黃後封平原侯襲公主

爵

齊長公主適李昭

襄陽公主適任愷

晉文帝女

帝系

文獻通考卷三百八

吳春

常山公主適王濟

長廣公主適甄德

京兆公主

武帝女

榮陽公主適盧謨

繁昌公主適衛宣

襄城公主適王敦

榮陽公主適盧恒

平陽公主

新豐公主

平陽公主

萬年公主

武安公主

惠帝女

臨海公主適曹統

河東公主

始平公主

哀獻皇女

元帝女

尋陽公主適王禕之

江陵公主適荀美

明帝女

南康公主適桓溫

南郡公主適羊賁

廬陵公主適劉惔

簡文帝女

新安公主適王獻之

孝武帝女

晉陵公主適謝混

鄱陽公主適王僧

恭帝女

海鹽公主

富陽公主

宋公主有傳令傳令不得朱服

武帝女

會稽宣長公主適徐逵之

宣城德公主適周嶠

豫康長公主適徐喬

吳興公主適王偃



新安公主適王景深

安哀公主適褚湛之

義興長公主

吳郡公主

文帝女

東陽獻公主適王僧綽

淮陽公主適江湛

新蔡長公主適何邁

尋陽公主適郗曄

臨川長公主英媛適王藻

南郡獻公主適褚淵

廬江公主適褚澄

孝武女

山陰公主適何戢

臨海公主適江歆

安固公主適王志

臨汝公主適何敷

安吉公主適蔡約

山陰公主楚玉

唐樂公主脩明

皇女楚琇

明帝女

陽羨公主適王儉

臨淮公主適王瑩

晉陵公主伯姁

建安長公主伯媛

宋世諸主莫不嚴妬明帝每疾之湖熟令袁愔妻以妬賜死使近臣虞通之撰妬婦記左光祿大夫江湛孫敷當尚孝武帝女上乃使人爲敷作表讓婚曰伏承詔旨當以臨海公主降嬪榮出望表恩加典外顧審輜蔽伏用憂惶臣寒門忤族人凡質陋閭閻有對本隔天姻如臣素流家貧業寡年近將冠皆已有室荆釵布裙足得成禮每不自解無偶迄茲媒訪莫尋素族弗問自惟門慶屢降公主天恩所覃庸及醜末懷憂抱惕慮不獲免徵命所當果膺茲舉雖門泰宗榮於臣非倖仰緣聖貸冒陳愚實自晉氏以來配尚王姬者雖累經美胄極有名才至如王敦懾氣桓溫歟威真長倖愚以求免子敬多足以違禍王偃無仲都之質而保雪於北階何瑀闕龍



工之姿而投軀於深井謝莊殆自害於矇叟殷仲幾不免於強鉏彼數人者非無才意而勢屈於崇貴事隔於閭覽吞悲茹氣無所逃訴制勒甚於僕隸防閑過於婢妾行來出入人理之常當代賓客朋從之義而今掃轍息駕無關門之期廢筵抽席絕接對之理非惟交友離異乃亦兄弟踈闊第令受酒肉之賜制以動靜監子待錢帛之私節其言笑姆妳爭媚相勸以嚴厠媼競前相諂以急第令必凡庸下才監子皆葭萌愚堅議舉止則未閑是非聽言語則謬於虛實姆妳敢恃耆舊唯贊妬忌厠媼自唱多知務檢口舌其間又有應荅問訊卜筮師母乃至殘餘飲食詰辯與誰衣被故弊必責頭領又出入之宜繁省難齊或進不獲前或入不聽出不入則嫌於欲踈求出則疑有別意召必以三聘為期遣不以日出為限夕不見晚魄朝不識曙星至於夜步月而弄琴書拱袂而

披卷一生之內與此長乖又聲影裁聞則走如奔逆侶快向席則醜老叢來左右整肅以疑寵見嫌賓客未冠以少容致斥禮有列媵象有貫魚本無媼嫡之嫌豈有輕婦之謂今義絕傍私虔恭正匹而每事必言無儀適設辭輒云輕易我父竊聞諸主聚集唯論夫族緩不足為急者法急則可為緩者師更相扇誘本其恒意不可貸借固實常辭或云野敗去或云人笑我雖曰家事有甚王憲發口所言恒同科律王藻雖復彊狠頗經學涉戲笑之事遂為寃魂褚暖憂憤用致天絕傷理害義難以具聞夫螽斯之德實先克昌專如之行有妨繁衍是以尚主之門往往絕嗣駙馬之身通離釁各以臣凡弱何以克堪必將毀族淪門豈伊身青前後嬰此其人雖衆然皆患彰遐邇事隔天朝故吞言咽理無敢論訴臣幸屬聖明矜照由道弘物以典處親以公臣之鄙懷可得自盡如臣



門分世荷殊榮足守前基便預提拂清官顯位或由才亦一  
叨婚戚咸成恩假是以仰冒非宜披露丹實非惟止陳一已  
規全身願寔乃廣由諸門受患之切伏願天慈照察特賜蠲  
停使雀燕微羣得保叢蔚蠢物憐生自己彌篤若恩詔難降  
披請不申便當刊膚剪髮投山竄海帝以此表適示諸主以  
諷切之并為戲笑

按自主姬執婦道之風不見於後世後之公主皆庸奴  
其夫晉人已有無事取官府之說至六朝而其蔽尤甚  
南史王誕傳載辭婚表雖戲笑之言然亦當時事實也  
故錄于此

齊梁陳皆踵宋制

齊高帝女

義興獻公主適沈文和

臨海長公主適王彬

武帝女

武康公主適徐演

長城公主適何敬容

明帝女

山陰公主適徐況

錢塘公主適謝覽

梁武帝女

安吉公主適王實

長城公主適柳偃

永嘉公主適王銓

永興公主王姚

永世公主王婉

永康公主王嫫

臨安公主

簡文帝女

餘姚公主適王溥

南河公主適袁憲

溧陽公主

辱於侯景

元帝女



益昌公主

陳武帝女

永嗣公主適錢藏

帝即位時主已卒追封至是將葬尚書請

下降必適諸侯漢氏初列侯尚主自斯以後降嬪素族駙馬都尉置由漢武或以假諸功臣或以加於戚屬是以魏晉以來因爲舊準蓋以王姬之重庶姓之輕若不加其等級寧可合色而醕所以假駙馬之位乃宗於皇女也今主早薨仇儷已絕既無禮數致疑何須駙馬之授按杜預尚晉宣帝第二女晉武武作而主已死秦始中追贈公主元凱無後駙馬之號梁文帝女新安穆公主蚤薨天監初王氏無追拜之事遠近二例足以校明無勞此授今宜追贈亭侯時議以爲當

會稽穆公主適沈君環

文帝女

信女公主適蔡凝

義興公主適錢肅

富陽公主適柳盼

後魏公主有家令丞

道武曾引崔容講論漢書至婁敬說漢祖欲以魯元公主妻匈奴善之嗟嘆良久是以諸公主皆嫁于賓附之國朝臣子弟良族美彥不得尚焉

平陽公主薨石肇欲使公主家令居廬制服太常博士常景曰今王姬降適雖加爵命事非君已理具列士何者諸王開國備立臣吏生有趨奉之勤死盡致喪之禮而公主家令唯有一人其丞以下命之屬官既無接事之儀實闕爲臣之體原夫公主之貴所以立家令者蓋以主之內事脫須關外理無自達必也因入然則家令唯通內外之職及典主家之事耳無關君臣之理名義之分也由是推之家令不得爲純臣公主不可爲正君明矣且女人之爲君男子之爲臣古禮所不載先朝所未議乃寢

道武女

公主

大通書卷之五十八

上

相



華陰公主適閭大肥

濩澤公主

明元女

宜陽公主適穆逐留

武威公主適沮渠蒙捷

上谷公主適乙懷

南安長公主適杜超

太武女

樂陵公主適穆壽

始平公主適赫連昌

博陵長公主適馮熙

景穆女

城陽公主適穆平國

長樂公主適穆正國

安樂公主適乙乾歸

高陽公主適萬振

文成女

濟北公主適穆伏干

河南公主適萬安國

上左公主適赫連宿石

西河長公主適薛初古校

武邑公主

建興公主

平陽長公主並適劉昶

新平長公主適穆熙

中山長公主適穆亮

獻文女

長城公主適穆真

琅琊公主適穆紹

常山公主適陸騰

趙郡公主適司馬躍

高平公主適高肇

樂安長公主適馮誕

彭城長公主初適劉承緒再適王肅

樂陵長公主適盧道裕

孝文女

淮陽公主適乙瑗

華陽公主適司馬肱

長樂公主適高猛

安樂公主

始平公主

淮王長公主適乙弗瑗



章武長公主適穆泰

蘭陵長公主適劉暉

南陽長公主適蕭寶寅

濟南長公主適盧道虔

順陽長公主適馮穆

宣武女

建德公主適蕭烈

壽陽長公主適蕭贊

文帝女

金明公主適尉遲迴

北齊後周隋公主官屬皆如後魏制

齊神武女

太原長公主初為魏孝靜帝后後再適楊愔

東平長公主適可朱道元

公主適司馬消難

浮陽長公主適李千學

文宣女

東安公主適段深

義寧公主適斛律武都

中山長公主適段寶鼎

公主適潘子晃

周文帝女

霍國公主適賀拔緯

襄樂公主適章世康

襄陽公主適竇毅

永富公主適史雄

順陽公主適隋滕穆王楊瓚

西河長公主適劉昶

新興公主適蘇威字文護女

武帝女

清都公主適閻毗

隋文帝女

樂平公主為周天元帝后

蘭陵公主初適王莽後再適霍璠

煬帝女



南陽公主適宇文弼

後魏以來和蕃公主

公主魏順氏主楊保宗

光化公主適吐谷渾世伏

廣樂公主適吐谷渾李呂魏

西海公主適蠕蠕主郁久闐吳提

化政公主元

蘭陵公主並適蠕蠕主郁久闐阿那懷

長樂公主適突厥主阿史那土門

周

千金公主趙王適突厥主阿史那他鉢

隋

華容公主適高昌王伯雅

義安公主宗女適突厥可汗突利

義成公主宗女適突厥可汗啓民

史稱魏道武採妻敬之說諸公主皆嫁于賓附之國朝臣良族子弟皆不得尚蓋閭大肥楊保宗之屬皆夷狄也似不必分別爲和蕃公主然閭大肥輩則部落之服屬而爲臣者也楊保宗輩則外國之未服屬而爲敵者也又國內之胡人所娶皆帝女而外國之君長娶多宗女此又其所不同也

唐制皇姑爲大長公主後亦謂之姊爲長公主女爲公主皆封

國視正一品太子女爲郡主封郡視從一品親王女爲縣主正

二品建中元年十二月出嫁岳陽等十一縣主初開元中置禮

會院于崇仁里自與兵以來廢而不脩公郡縣主不時降嫁始三十年九皇族子弟皆散棄無位或流落他縣上即位始叙用技屬以時婚嫁公族老幼莫不悲感及縣主將嫁小大之物必周其用貞元十五年勅馬都縣主如實無子准式養男並不得用冊蔭○會昌五年勅今後先降嫁公主縣主如有



見女者並不再請從人如無兒者陳奏委宗正寺處分而有妄稱無賴請再從人者覺察處分  
主皆以親為尊皇之昆弟妹先拜於皇子上稱啓神龍初下詔  
華之二年勅公主府設官屬鎮國太平長公主儀親王長寧安  
寧唯不入置長史餘並同親王宜城新都定安金城等公主非  
皇后生官員減半其金城公主以出降吐蕃特置司馬景龍四  
年停公主府依舊邑司永淳前親王食實戶八百增至千餘止  
十聖曆時進及三千戶預誅二張功增號鎮國與相王均封五  
千薛武二家皆食實封主與相王衛王成王長寧樂安二公主  
給衛士環衛千步一區持兵呵衛衛省官省神龍時與長寧安  
樂宜城新都定安金城等公主皆開府置官屬親王安樂  
戶至三千長寧二千五百府不置長史宜城定安非章后所生戶止二千  
府近有勅總停其太平公主有崇保社稷功其鎮國太平公主  
府即宜依舊酸棗縣尉素楚客奏記於中書令魏元忠曰女有  
美豈可相繼哉然而外男有別剛柔分矣中外斯隔陰陽著  
並開建府僚崇置官若以女家處男職所謂長陰而抑陽也  
而望陰陽不怨風雨無爽其可乎竊謂非致遠之計垂久安之  
策書曰事不師古以况永世匪謬故聞此之謂也若侯不正而

誰正開元四年三月制諸封國自始封至曾孫者其封戶三分  
減一十年加永穆公主封千戶初永穆等各封五百戶左右以

吾有也斯皆宗廟社稷蒼生是為爾邊隅戰士出萬姓租賦者非  
生所賞賜纔不過一二正此輩何功於人頓食厚封約之使  
之儉嗇不亦可乎左右以長公主皆二千戶請與比上曰吾常讀  
後漢書見明帝曰朕子不敢望先帝子車服下之吾未嘗不廢  
卷歎息如何欲令此輩望長公主乎左右不敢復言是至  
公主等車服不給故加焉自後公主皆封千戶遂成其例○凡  
諸王及公主以下所食封邑皆以課戶兗州縣與國官邑官共  
執文帳准其戶數收其租調均為三分其一入官其二入國公  
所食邑則全給焉二十年五月勅諸食邑實封並以三丁為限  
不須一分入官其物仍令封隨庸調送入京○凡公主封有以  
國名者鄖國代國霍國是也有以郡名者平陽宣陽東陽是也  
有以美名者太平安樂長寧是也惟玄宗之女皆以美名名之  
世祖一女

同安公主適王裕



高祖十九女

長河公主適馮少師

襄陽公主適竇誕

平陽昭公主適柴紹

主及柴紹起兵佐高祖取長安武德六年薨葬加前後部羽葆鼓吹大輅麾幢

虎賁甲卒班大常議婦人葬古無鼓吹帝曰鼓吹軍樂也往者主身執金鼓參佐命于古有耶宜用之

高密公主初適長孫孝政再適段倫

長廣公主適趙慈景

長河公主適豆盧懷讓

房陵公主初適竇奉節再適賀蘭僧伽

九江公主適執失思力

廬江公主適喬師望

南昌公主適蘇勗

安平公主適楊思敬

淮南公主適封道言

貞定公主適崔恭禮

衡陽公主適阿史那社爾

丹陽公主適薛萬徹

臨海公主適裴師律

館陶公主適崔宣慶

安定公主初適溫挺再適鄭敬言

常樂公主適趙瓌

太宗二十一女

襄城公主初適蕭銑再適姜簡

主性孝睦動靜無失帝初諸

辭曰婦事舅姑如事父母舅姑則定省關止事姑常門列雙戟而

南平公主初適王敬直再適劉玄意

主性孝睦動靜無失帝初諸

禮曰主上禮法度五品以上主執笄盥饋乃退後主出降有

舅姑者備禮始於主

遂安公主初適竇達再適王大禮

豫章公主適唐義識

長樂公主適長孫冲

帝以主長孫后所生幼有司裝資倍長

安得同先帝子然則長公主主尊公主主矣制有差等豈可越乎帝以語后后贊數勸帝從之仍賞錢

北景公主適柴令武

普安公主適史仁表

東陽公主適高履行

臨川公主適周道務



清河公主適程懷亮

蘭陵公主適竇懷哲

晉陽公主初適韋思安再適楊仁輅

安康公主適獨孤謀

新興公主適長孫儀

城陽公主初適杜荷再適薛瓘

合浦公主適房遺愛

汝南公主蚤卒

金山公主蚤卒

晉陽公主蚤卒

常山公主蚤卒

新城公主初適長孫詮再適韋正矩

高宗三女

義陽公主適權毅

高安公主適王勛

太平公主初適薛紹再適武攸暨

中宗八女

新都公主適武延祚

宜城公主適裴巽

安定公主初適王同皎再適韋濯三適崔鉞

長寧公主初適楊慎交再適蘇彦伯

永壽公主適韋鉞

永泰公主適武延基

安樂公主初適武崇訓再適武延秀

成安公主適韋捷

睿宗十一女

壽昌公主適崔真

安興昭懷公主蚤死

荆山公主適薛伯陽

淮陽公主適王成慶

代國公主適鄭萬鈞

涼國公主適薛伯陽

薛國公主初適王守一再適裴巽

鄔國公主初適薛儼再適鄭孝義

金山公主

玉真公主皆入道不嫁

霍邑公主適裴虛已



玄宗二十九女

永穆公主適王繇

常芬公主適張去奢

孝昌公主

靈昌公主

上仙公主

懷恩公主

普昌公主

宜春公主

唐昌公主適薛鏞

常山公主初適薛譚再適竇澤

萬安公主不嫁為道士

晉國公主適崔惠童

新昌公主適蕭衡

臨晉公主適郭潛曜

衛國公主初適豆盧建再適楊說

信成公主適獨孤明

真陽公主初適源清再適蘇震

楚國公主適吳澄江

昌樂公主適竇諤

永寧公主適裴濟

宋國公主初適溫西華再適楊微

咸宜公主初適楊泗再適崔高

齊國公主初適張垺再適裴穎三適楊敷

太華公主適楊琦

廣寧公主初適程昌胤再適蘇克貞

壽昌公主適郭液

萬春公主初適楊肅再適楊錡

樂城公主適蘇履謙

新平公主初適裴玲再適姜慶初

壽安公主適蘇發

肅宗七女

宿國公主適豆盧湛

肅國公主初適鄭巽再適薛康衡三適回紇英武威遠可汗

和政公主適柳潭 郊國公主適張清

紀國公主適鄭沛 永和公主適王診

代宗十八女

永清公主適裴傲 齊國昭懿公主適郭曖

靈仙公主 貞定公主

玉清公主 太和公主

玉虛公主 西平公主

章寧公主 並早卒 華陽公主入道不嫁

嘉豐公主適高怡 普寧公主適吳士廣

長林公主適沈明貞 貞元二年具聞德宗不御正殿不設樂遂為故事

晉陽公主適裴液

趙國莊懿公主初適封武清再適田緒 德宗幸望春亭臨餞

車代之公主 義清公主適柳泉

壽昌公主適竇克良

新都公主適田華

德宗十一女

韓國貞穆公主 普寧公主

義川公主 晉平公主 並蚤卒

魏國憲穆公主適王士平 鄭國莊穆公主適張茂宗

臨真公主適薛釗 永陽公主適崔諲

文安公主入道不嫁 宜都公主適柳昱

燕國襄穆公主適回紇武義成功可汗

順宗十一女

漢陽公主適郭縱 梁國恭靖公主適鄭河



東陽公主適崔氏

西河公主適沈暈

雲安公主適劉士涇

襄陽公主適張克禮

尋陽公主

平恩公主

邵王公主

臨汝公主

號國公主適王承系

憲宗十一女

梁國惠康公主適李友

永嘉公主

永寧公主

衡陽公主

普康公主

義寧公主

貴鄉公主

宣城公主適沈義

鄭國溫儀公主適韋讓

岐陽莊淑公主適杜保

周時岐陽公主

陳留公主適裴損

貞寧公主適薛羽

南康公主適沈汾

臨真公主適衛洙

貞源公主適杜中立

永順公主適劉弘景

安平公主適劉異

永安公主入道不嫁

定安公主適回鶻崇德可汗

穆宗八女

義豐公主適韋處仁

會昌五年中書門下奏伏見公主上表

人之禮宜即區別臣等商量公主上表請如長公主之例

淮陽公主適柳正元

延安公主適竇濟

金堂公主適郭仲恭

清源公主蚤卒

饒陽公主適柳仲詞

義昌公主

安康公主

為道士

敬宗三女



永興公主

天長公主

寧國公主

文宗四女

興唐公主

西平公主

朗寧公主

化光公主

武宗七女

昌樂公主

壽春公主

長寧公主

延慶公主

靜樂公主

樂溫公主

永清公主

宣宗十一女

萬壽公主適鄭顯

永福公主

齊國恭懷公主適嚴祁

廣德公主適于琮

義和公主

饒安公主

盛唐公主

平原公主

唐陽公主

許昌公主適柳陟

豐陽公主

懿宗八女

衛國文懿公主適韋保衡

安化公主

普康公主

昌元公主

昌寧公主

金華公主

仁壽公主

永壽公主

僖宗二女

唐興公主

永平公主

昭宗女十一

新安公主

平原公主適李繼侃



益昌公主

唐興公主

德清公主

大康公主

永明公主

新興公主

普安公主

樂平公主

開元禮冊公主及公主出降儀

冊公主

前一日尚書奉御設御幄於太極殿如常守宮設羣官次於東西朝堂奉禮設版位太樂令展宮懸典儀設舉麾位如常又設文武羣官版位五品以上於橫街北六品以下於橫街南文東武西俱重行諸親於五品之南自王親在東諸親在西設此儀位如常儀贊者二人在南少退俱西向冊使立於懸北西上俱北面副使立後準此其日諸衛屯門列伏如常冊使羣官等依時刻集朝堂次改服朝服通事舍人各引就朝堂位侍中量時刻版奏請

中嚴鉞戟近仗入陳於殿庭太樂令帥工八入就位協律郎入就舉麾位典儀帥贊者先入就位諸守衛之官各服其器服符寶郎先請寶俱詣閣奉迎通事舍人分引王公羣官入就位又通事舍人引冊使並入立於殿門外道東西面以俟黃門侍郎帥主節奉節及幡立於階伏南節在前中書侍郎先請冊置於案今史降公限各對舉案立於節南道東西面中書侍郎立於案後侍中版奏外辦所由承旨索扇扇上皇帝服通天冠絳紗袍御輿以出曲直華蓋警蹕侍衛如常皇帝出自西房即御座南向坐扇開協律郎偃麾曼鼓樂作符寶郎奉寶置於御座典儀贊拜羣官在位者俱再拜訖通事舍人引冊使入就位冊使等初入門舒和之樂作至位樂止立定典儀曰再拜贊者承傳公主請命使俛伏興又侍中少前稱制曰可退復位侍中承制



降諸使者北面稱有制冊使副等俱再拜侍中宣制曰冊某公  
主命公等持節展禮宣制訖使副等又再拜侍中還侍位贊禮  
者引冊使少前黃門侍郎引主節詣冊使東北主節以節授黃  
門侍郎主節者後黃門侍郎持節西南授冊使跪受興付主節  
幡隨節立於使左黃門侍郎退贊禮者導中書令詣冊使東北  
面立又贊禮者導中書侍郎引諸公主冊案立於中書令之右  
中書令於案取公主冊冊案者皆由後立授冊使冊使跪受興  
置於案冊案者退立於後贊禮者引中書令與冊使俱向北退復  
位典儀曰再拜訖通事舍人引冊使等右旋而出持節者前導  
持案者次之冊使等初行樂作出門樂止侍中前跪奏稱侍中  
臣某言禮畢俛伏興還侍中位所由承旨索扇扇上皇帝興太  
樂令令撞蕤賓之鐘右五鐘皆應鼓祝奏太和之樂皇帝降座  
御輿入自東房侍衛警蹕如來儀侍臣從至閣扇開樂止通事  
舍人引羣臣在位者以次出舉冊者及冊使至長樂門外次如  
後儀

### 公主受冊

尚儀二人

讀冊

司贊一人

引

公掌贊二人

加贊女史四人

前一日尚舍守宮計會設使者及冊案便次於光範門及長樂  
門外皆道右東向司贊設公主位於長樂門外內殿前近南當  
階北面西上又設內命婦應陪位者位於公主東北及西北嬪  
御等在東宮官等在西階重行相對北上又於內命婦之前設  
尚儀位二皆東向以西為上又於尚儀位南少退設司贊位掌  
贊二人陪其後其口典儀設冊使位於長樂門外之西東向北  
上又設舉冊案者位二在南差退東向內謁者監先取公主冊  
案置於長樂門外近限內命婦以下及應在位者並服禮衣先  
就位公主花釵翟衣司言引就受冊位侍從如常儀通事舍人



引冊使副使等出就位持節者立於使者之北少退持冊案者立於冊使副西南俱東向持節者去節衣持冊案者以案進冊使之前北向相次而立內侍二人引使者詣門內謁者舉案少前使取公主冊冊置於案俛伏興通事舍人引冊使副使等俱進就次以俟尚儀率女史詣門昇冊案入各就尚儀之前對舉冊案皆東向司贊曰再拜凡司贊有詞司贊皆承傳司言贊公主再拜尚儀取公主冊於案持案者退少前北面稱有制曰司言贊公主再拜尚儀執冊跪讀訖退復位以冊進授公主公主受冊以授司言訖司贊再拜公主再拜在位皆再拜司贊少前稱禮畢司言引公主退在位以次退掌贊報內謁者監禮畢內謁者監傳報冊使等詣太極殿前南橫街南北面西上立中書令立於冊使等東北西面冊使再拜復命曰奉制冊命某公主禮畢又再拜中書令奏聞冊使等退幡節各還本司

### 納綵

前一日主人設使者次於大門之外道右南向其納吉納徵請期親迎等禮皆如其日大昕使者至於主人大門外贊禮者延入次凡賓主及行事者皆服使者出次贊禮者引至於大門外之西東面主人立於東階下西面儗者立於主人之左北面受命出立於門東西面曰敢請事使者曰朝恩貺室于某公之子某公有先人之禮使某也請納采儗者入告主人曰寡人敢不敬從儗者出告掌畜者以鴈授使者其餘並如一品婚儀

### 問名

使者既出至主人還阼階上西面曰皇帝第某女封某公主餘行事並如一品婚儀其禮儗者戶牖之間贈之雁幣及兩馬詞云子為事故至于寡人之室寡人有先皇之

禮禮請禮者

### 納吉

系金

文獻通考卷三百八

二十四

文



其日大昕使者至請事使者曰加諸卜占曰吉使某也某也敢告主人曰某公有吉寡人與在焉寡人不敢辭餘如納采之儀納徵

其日大昕使者至入次掌事者布幕於內門外玄纁束帛陳於幕上乘馬在幕南北首西上掌事者璋以匱俟於幕東使者曰朝恩貺室于某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀

### 請期

其日大昕使者至入次至請事使者曰某公有賜既申受命某公使某請吉日儻者入告主人曰寡人既受前命惟命是聽使者曰某公命某聽命於王儻者入告主人曰寡人固惟命是聽使者曰某公使某受命於王王不許某敢不告期曰某日餘並

### 如一品婚儀

#### 親迎

其日大昕婿之父告廟醮子並如一品婚儀子再拜降出乘輅備儀仗詣主人之第賓將至內贊者布席於東房當戶南向設罇甒醴等於東房主人醴公主如一品醴女之儀公主著花釵褕翟纁紉入房以下並如一品醴女儀訖主人降立於東階東南西面贊禮引賓出次立於門西東面儻者進受命出門東面曰敢請賓曰某主命某之父以茲初昏命某將請承命儻者入告主人曰寡人固敬具以請至奠鴈出如常禮初賓入門主婦出立於房中外之西南而於賓拜訖姆導公主出主人少進西面戒之如有正焉若衣若花命之曰戒之敬之夙夜無違命主婦戒之於西階上施衿結帨戒之曰勉之敬之夙夜無違公主出以下並如常儀



同牢

初婚掌事者設洗於東階東南及陳設牢饌鉶俎之數各依其品羊豕節折大羹在於饗具器皆明烏漆惟餘並如一品儀見舅姑

見之日公主夙興沐浴著花釵服綸翟舅服公服姑著鈿釵禮衣其儀同一品婚禮公主降西階以出無取脯授婦氏之儀

盟饋舅姑

公主盟饋以少牢舅姑公主服如見禮及醕舅姑訖內贊者設公主席於舅姑席東北南面餘並如一品禮

婚會 婦人禮儀

以上並如一品婚儀

饗丈夫送者

同一品儀加送以乘馬設從者乃於西廊下

饗婦人送者

女相者引貴升降酬以束帛餘如丈夫禮

唐和蕃公主

弘化

宗室女貞觀時降吐谷渾慕容諾曷鉢

文成

宗室女貞觀時降吐蕃贊普弄贊命禮部尚書江夏王

道宗送之弄贊親迎河源見王人執子婿禮甚謹數大國服飾儀禮之盛有愧色謂所親曰我祖父未有通婚大國者今我得尚大唐公主當築一城以誌示後世仍遣酒豪子弟請入國學

習詩書從之

金城

雍王女禮女神龍時降吐蕃贊普

寧國

肅宗女乾元時降回紇英武威遠可汗置公主府二年自蕃還五年罷府置邑司

永樂

宗室女開元時適契丹於鄭郡王李失活

燕郡

餘姚公主女慕容氏開元時降契丹於羅郡王李鬱于焉

固安

從外生女辛氏開元時降奚首領李大輔後大輔死立季弟魯蘇為主仍尚主魯蘇牙官謀歸突厥主殺之

以功 被賞



東光

庚安公主韋氏降奚首領魯蘇

交河

十姓可汗史懷遠大開元時降突厥時施回牙蘇祿

和義

宗室女天寶時降寧國奉化王

靜樂

外孫獨孤氏天寶時降松漢都督懷順王李懷節

宜芳

外主女楊氏天寶時降饒樂都督懷信王李延龍

崇微

僕固懷恩女大曆時降回紇可汗

咸安

德宗女貞元時降回紇天親可汗置咸安公主府准親王

太和

憲宗女長慶時出降回紇崇德可汗

梁太祖女

安陽公主適羅延規

長樂公主適趙巖

普寧公主適王昭祚

金華公主

貞寧公主

少帝女

壽春公主

壽昌公主

後唐武帝女

瓊華長公主適孟知祥

瑤英公主適張延釗

明宗女

永寧公主適晉高祖

興平公主適趙延壽

壽安公主

永樂公主

晉高祖女

長安公主適楊承祚

漢高祖女

永寧公主適宋延偁

周太祖女

樂安公主

壽安公主適張永德

永寧公主



宋太祖六女

三長女不及封

秦國長公主適王承衍

晉國大長公主適石保吉

許國長公主適魏成信

宋初之制初被選尚者即拜駙馬都尉賜玉帶襲衣銀鞍勒馬采羅百疋謂之繫親又賜其家銀萬兩今辦聘財之數倍於親王聘妃出降賜甲第餘如諸王夫人之制而扇加四引障花燭籠各加十

太宗七女

長不及封

燕國長公主適吳元辰

曹國長公主

中國大長公主皆出家

鄧國長公主適王貽永

晉國大長公主適柴宗慶

齊國大長公主適李遵勉

舊制選尚者降其父為兄弟行是時遵勉父繼昌尚無恙主因誕日

以舅禮謁繼昌帝聞而嘉之賜金幣

真宗二女

長女不及封

次及幼入道亦早薨

仁宗十三女

周陳國公主適李瑋

周國公主

漢國公主

秦國公主

魏國公主

魯國公主

吳國公主

燕國公主

楚國公主皆早夭

兗國公主適曹詩

秦魯國大長公主適錢景臻

至紹興十三年始薨

慶壽寶壽二公主史不言所適

公主冊禮嘉祐二年儀注前一日有司設冊使副幕次於內東門外又設內命婦次於公主受冊印本位門外又設公主受冊印位於本位庭階下北向又設冊使位於內東門副使及內給



事於其南差退並東向北上又設冊印案位於冊使前南向又設內給事位於冊使北南向其日自文德殿奉冊印將至內給事指本位諸公主服首飾褕翟冊印至內東門外褥位置訖內臣引內命婦俱入就位禮直官引冊使副俱立東向位內給事前東向躬稱冊使王堯臣副使田况奉制授公主冊印退復內給事入詣所設冊印本位公主前言訖退內給事進詣冊使前面使跪以冊印授內給事內給事亦跪以授內謁者冊使退復內謁者及主當內臣持冊印入內東門內給事從入詣本位庭又內給事贊公主降立庭中北向位跪取冊興立於公主之右少前西向又內給事立於公主之左少前東向又內給事稱有制內給事贊公主再拜內給事奉冊跪授公主公主受以授內給事奉印亦然復贊再拜前引公主升位以次內臣引內命婦賀內給事贊言禮畢內命婦退遂引公主謝皇帝皇后冊引如

賈妃文曰充國公主之印

皆有

公主出降嘉祐二年禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尚一出朝廷不待納采又公主封爵已行誕告不得問名而卜之若納成則既有進財請期則有司擇日宜稍依五禮之名存其物數俾知古者婚姻之事重而夫婦之際嚴如此亦不忘古禮之義也時充國公主下嫁李璋詔俟出降日令夫家主婚者具合用鴈帛玉馬等物陳於內東門外以授內謁者進入內中付掌事者受之其馬不入

英宗四女

舒國公主早夭

魏楚國公主適王師約

魏國長公主適王詵

韓魏大長公主適張敦禮



神宗十女

吳國公主

鄆國公主

潞國公主

邢國公主

邠國公主

充國公主

周國淑懷公主

已上皆早夭

唐國賢穆公主適嘉彥

潭國賢孝公主適王遇

徐國賢靜公主適潘意

哲宗四女

鄧國公主

揚國公主 皆早世

秦國公主適潘正夫

陳國公主適石端禮

徽宗三十四女

嘉德帝姬適曹寅

榮德帝姬適曹晟

順淑帝姬早亡

安德帝姬適宋邦光

茂德帝姬適蔡條

壽淑帝姬早亡

慧淑帝姬

安淑帝姬 並早

崇德帝姬適曹湜

康淑帝姬

榮淑帝姬

保淑帝姬 並早

成德帝姬適向子房

甸德帝姬適田丕

悼穆帝姬

熙淑帝姬

敦淑帝姬

顯德帝姬適劉文彥

順德帝姬適向子房

申穆帝姬

保福帝姬

賢福帝姬

仁福帝姬

柔福帝姬

寧福帝姬

和福帝姬

永福帝姬

惠福帝姬

今福帝姬

華福帝姬

慶福帝姬

儀福帝姬



純福帝姬

恭福帝姬

並未及選尚從  
北狩及於虜中

四朝國史傳史臣曰國朝帝女封公主必襲漢唐或以美名或以國姊妹曰長公主諸姑曰大長公主至祖姑則或加兩國政和三年蔡京為相建議以為不典始改為帝姬以二字易國名四字易兩國名自祖宗以降數十女皆追加封冊至中興時始復初故今所書但仍舊式唯徽宗諸主乃從一時之制云

帝姬降嫁儀納采問名納吉請期婿家具禮物

並用  
納成幣等

脩表如儀前期太史局擇日差官奏告景靈東西宮親迎前一日所司於東門外量地之宜西向設婿次其日大昕婿之父服其服告於禰廟曰無廟者行廟事  
東閣設神位天子降女於某婿以某日親迎敢告再拜子將行父醮子於廳事贊者設父位於中間南向設子位於父位之西近南東向父即座子公服升自西階進立

於位前贊者注酒於醖西向授子子再拜跪受贊者又奉饌設於位前子舉酒興即座飲食訖降再拜贊禮者引立於父位前父命之曰往迎肅雍以昭惠宗祐子再拜曰祇率嚴命又再拜降出乘馬至東華門內下馬禮直官引就次有司陳帝姬鹵簿儀仗於內東門外候帝姬將升厭翟車禮直官引婿出次立於內東門外躬身西向掌事者以鴈陳於前內謁者奉鴈以進俟帝姬升車訖婿再拜先還第同牢其日初昏掌事者設巾洗各二一於東階東南一於室之北水在洗東尊於室中實四爵兩盃於篚爵盃以常用  
酒器代之婿至本第下馬以俟帝姬至降車贊者引婿揖帝姬以入及寢門又揖婿導帝姬升降入室盥洗掌事者布對位婿揖帝姬皆即座受醖三飲婿及帝姬俱興再拜訖贊者徹酒見舅姑夙興帝姬著花釵服綸翟以俟見贊者設舅姑位於堂上東西相向舅位於東姑位於西舅姑服其服俱就位



後立女相者引帝姬升自西階詣舅位前再拜訖贊者以棗栗授帝姬帝姬奉棗栗置於舅位前舅即座贊者進徹以東帝姬退復位又再拜女相者又引帝姬詣姑位前再拜訖贊者以服脩授帝姬帝姬奉服脩置於姑位前姑即座贊者受以東帝姬退復位又再拜次醴婦盥饋饗婦如儀五年五月嘉德帝姬下嫁曹叡詔用新儀行盥饋之禮皇后宮闈送至第外命婦免從重和五年十一月蔡京請免茂德帝姬下降見舅姑行盥饋之禮詔不允又詔神考治平間親灑宸翰以王姬下降躬行舅姑禮韋云歷代公習之幣以成婦道以風天下於是崇寧大觀以來詔有司講求典禮繼頒五禮新儀著為永法近聞徒有奉行之名而舅姑既不端坐返有下拜之禮甚失本意可自今帝姬下降恪遵新儀

中興國史傳論曰右三十四帝姬早亡者十四人餘皆北遷

獨恭福帝姬生才周晬虜不知故不行建炎三年薨封隋國公主安德帝姬有遺女一人後適嗣秀王伯圭封秦國夫人榮德帝姬至燕京駙馬曹成卒改適習古國王紹興中有商人妻易氏者在劉超軍中見內人言宮禁事遂自稱榮德帝姬鎮撫使解潛送至行在遣內夫人驗之言其詐遂付大理寺獄成詔杖死又有開封尼李靜善者內人言其貌似柔福靜善即偽稱之蘄州兵馬鈐轄韓世清送至行在遣內侍馮益等驗視為所欺遂封福國長公主出適永州防禦使高世榮其後內人從顯仁太后歸言其妄送法寺治之內侍李諤自北還又言柔福在五國城適徐還而薨靜善遂伏誅柔福之薨也在紹興十一年從梓宮來者以其骨至葬之追封和國長公主

孝宗二女



嘉國公主

次女 俱早世

光宗三女

文安公主

和政公主

齊安公主

俱早世

寧宗一女

祈國公主

早世

文獻通考卷之二百五十八

文獻通考卷之二百五十九

宋鄱陽馬端臨 貴與 著

明蘄陽馮天馥 應房 校刊

帝系考 皇族

黃帝二十五子其得姓者一十四人

國語司空季子曰同姓為兄弟黃帝之子二十五人其同姓

者二人而已唯青陽與夷鼓皆為己姓此二人相與同德故

氏帝青陽方雷氏之甥也大鼓彤魚氏之甥也方雷青陽金天

少皞國名帝系曰黃帝娶於西陵氏之子田螺其同生而異姓者

四母之別為十二姓凡黃帝之子二十五宗唐尚書曰繼別

別為大宗別之庶其得姓者一十四人為十二姓居官而初

賜之姓謂十四人而十二人姬酉祁已滕箴任荀倬儀依

是也唯青陽與蒼林氏同于黃帝故皆為姬姓二十五宗唯



德及黃帝同 同德之難也如是言得自帝同之


昔高陽氏有才子八人高陽氏八子其苗裔之倫蒼舒璽敬壽戴大臨龍

降庭堅仲容叔達此即禹之倫庭堅即皋陶字陶直

昭臣震反龍莫江反降下江反陶音進齊聖廣淵明允篤誠天

下之民謂之八愷厚也愷和也愷開在反高辛氏有才子八

人高辛氏帝嚳之號八人伯奮仲堪叔獻季仲伯虎仲熊叔豹

季狸此即契契朱虎熊羆之倫當作契古文作羅彼皮反忠肅共

懿宣慈惠和天下之民謂之八元肅敬也懿美也宣徧此十六

族也世濟其美不隕其名濟成也隕墜也隕以至於堯堯不能

舉舜臣堯舉八愷使主后土后土地官禹作司空以揆百事莫

不時序地平天成揆度也成舉八元使布五教于四方契

司徒五教在寬故也契在八元之中父義母慈兄友弟共子孝內平外成外夷狄

雅反昔帝鴻氏有不才子帝鴻氏黃帝掩義隱賊好行凶德醜類惡物

頑嚚不友是與比周醜亦惡也比近也周密也好呼報反嚚魚

比昆志反天下之民謂之渾敦渾敦荒渾敦不開通之貌渾戶

侯少皞有不才子少皞金天氏之號次黃帝毀信廢忠崇飾惡

言靖譖庸回服讒蒐慝以誣盛德崇聚也靖安也庸用也回邪

德賢人也蒐所留反天下之民謂之窮奇窮其工其行窮其好

行下孟反頤頤氏有不才子不可教訓不知話言話善也話告

之則頑德義不舍之則嚚不道忠信傲很明德以亂天常天下

之民謂之憊杞謂憊憊杞頭凶無憊匹之貌傲五報反此三

族也世濟其凶憎其惡名以至於堯堯不能去行方以宣公比堯

堯亦不能消賢臣而除之縉雲氏有不才子縉雲黃帝食于飲

食冒于貨賂侵欲崇侈不可盈厭聚斂積實不知紀極不分孤

寡不恤貧匱匱亦貧也也厭於艷反匱其媿反天下之民以比三凶非帝

子孫別以謂之饕餮饕餮貪財為饕貪食為餮舜臣堯臣賓于四

此三凶



門闕四門達四聰以宣禮衆賢闢窮奇檮杌饕餮投諸四裔以禦魑魅流四凶族案四凶罪狀渾敦而流放之

異氣所生爲人害者○禦魑魅及山神獸形是以堯崩而天下

如一同心戴舜以爲天子以其舉十六相去四凶也

按八愷出自高陽八元出自高辛驩兜出自帝鴻共工

出自少皞鯀出自顓頊皆黃帝之裔也雖賢否不同而

皆以帝者子孫爲顯官於唐虞之世蓋古之仕者世祿

而五帝三代之世系未有不出自黃帝者故叙此段以

備唐虞以來公族世系之本末云

周武王克商光有天下兄弟之國十有五人姬姓之國四十人

傳富辰曰昔周公弔二叔之不咸故封建親戚以蕃屏周也咸同也周公傷夏殷之叔世疏其親戚以至滅十故廣封其兄弟管蔡成霍魯衛毛冊郕雍

曹滕畢原鄭郕文之昭也十六國皆文王子邶晉應韓武之穆也四國

皆武王名凡將邢茅胙祭周公之胤也

禮記文王世子庶子之正於公族者教之以孝悌睦友子愛明

父子之義長幼之序正者政也庶子之序爲政於公族者其朝于公內

朝則東西北上臣有貴者以齒齒內朝路寢門之外庭司馬之其在外朝則以官司士

爲之外朝路寢門之外庭司馬之班正朝儀之位也其在宗廟之中則如

外朝之位宗人授事以爵以官宗人掌禮及宗廟也以爵貴賤

司徒奉牛司馬其登餼獻受爵則以上嗣特牲饋食禮言之受

爵謂上嗣舉奠也獻謂舉奠洗爵酌入也餼謂宗人庶子治之

雖有三命不踰父兄治之治公族之禮也唯於內朝則然其餘

命齒于公族三命不齒不齒其公大事則以其喪服之精麗爲

序雖於公族之喪亦如之以次主人大事謂死喪也其爲君雖

主人主喪者次主人者主人恒在若公與族燕則異姓爲賓宗

無相賓膳宰爲主夫燕尊不公與父兄齒親親族食降一等者親



綱疏者希揭其在軍則守於公族謂從軍者公行以公若有

出疆之政謂朝覲庶子以公族之無事者守於公宮正室守於

太廟正安適子也太諸父守貴宮貴室謂守路寢○守貴室諸

子諸孫守下宮下室或言官或言廟通異語五廟之孫祖廟夫

毀雖為庶人冠取妻必告死必赴練祥則告赴告於君也實四

容顯考為族之相為也宜弔不弔宜免不免有司罰之弔謂六

免謂至于贈賻承含皆有正焉○承讀為贈聲之誤也正禮也

五世贈出注含胡暗及本又作含贈賻皆謂喪之物也車馬

曰贈布帛曰賻珠玉曰含衣服曰遂總謂之贈賻猶送也公

族其有死罪則磬于甸人不於市朝者隱之也甸人掌郊野之

玄鑑一其刑罪則纖刺亦告于甸人纖讀為殲殲刺也刺割也

智反其刑罪則纖刺亦告于甸人○割讀為殲殲刺也刺割也

成有司讞于公其死罪則曰某之罪在大辟其刑罪則曰某之

罪在小辟成平也讞之言曰公曰宥之宥寬也欲寬其有司又

曰在辟公又曰宥之又復有司又曰在辟及三宥不對走出致

刑于甸人對答也先者若每言宥則答之以將更寬之至公又

使人追之曰雖然必赦之有司對曰無及也非既正不可有乃

也反命于公刑殺公素服不舉為之變如其倫之喪無服

類事為吉於吉事為凶非喪服也君雖不服臣卿大夫死則皮弁

錫衰以居往弔之當事則弁經於士蓋疑衰同姓則經衰以弔

之今無服者不往弔也倫謂不往弔為位哭之而○公

親疎之比也素服亦皮弁矣親哭之已居於臣使司哭之○公

族朝于內朝內親也雖有貴者以齒明父子也謂以宗外朝以

官體異姓也體猶連宗廟之中以爵為位崇德也崇高宗人授

事以官尊賢也有能登餼受爵以上嗣尊祖之道也上嗣祖喪

紀以服之輕重為序不奪人親也紀猶公與族燕則以齒而孝

弟之道達矣以至尊不自其族食世降一等親親之殺也殺差

戰則守於公禰孝愛之深也父之行主君正室守太廟尊宗室而君



臣之道著矣以其不敢以諸父諸兄守貴室子弟守下室而讓道達矣以其貴者守貴賤者守賤上言五廟之孫祖廟未毀雖

及庶人冠取妻必告死必赴不忘親也親未絕而列於庶人賤無能也敬弔臨賻賵睦友之道也古者庶子之官治而邦國有

倫邦國有倫而衆鄉方矣知所方言公族之罪雖親不以犯有司正術也所以體百姓也犯猶干也術法也刑于隱者不與國

人慮兄弟也弗弔弗為服哭于異姓之廟為忝祖遠之也素服居外不聽樂私喪之也骨肉之親無絕也公族無官刑不翦其

類也翦謂割也

左傳襄公十二年吳子壽夢卒臨於周廟禮也周廟文王廟也

王故魯立其廟吳始通魯凡諸侯之喪異姓臨於外於城外同姓於宗廟所出王同宗於祖廟始封君同族於禰廟父廟也是故

魯為諸姬臨於周廟為邢凡蔣茅昨祭臨於周公之廟即祖廟也

六國皆周公之女子別封為國共祖周公

秦商鞅立法宗室非有軍功不得論為屬籍

漢高祖七年置宗正官以叙九族

文帝四年復諸劉有屬籍家無所與賜諸環子邑名二千石

孝武元光元年復七國宗室前絕屬者

按孝景三年詔楚元王子執等與吳王濞等為逆朕不

忍加法除其籍母令汚宗室是年始詔復之

後元二年正月朝諸侯于甘泉官賜宗室

孝昭始元二年以宗室母在位者舉茂材辟疆劉長樂皆為光

祿大夫辟疆守長樂衛尉

武帝時劉辟疆以宗室子隨二千石議論冠諸宗室清寧少

欲常以書自娛不肯仕昭帝即位或說大將軍光曰將軍不

見諸呂之事乎處伊周之位攝擅權而背宗室不與其職是



以天下不信卒至滅亡今將軍當盛位帝春秋富宜納宗室  
又多與大臣共事反諸呂道如是可以免患光然之乃擇宗  
室可用者辟彊子德待詔丞相府

孝宣地節元年詔曰蓋聞堯親九族以和萬國朕蒙遺德奉承  
聖業惟念宗室屬末盡而以罪絕若有賢材改行勸善其復屬  
使得自新

孝成建始二年罷博望苑以賜宗室朝請者

劉向上封事言王氏一姓朱輪華轂者二十三人大將軍秉  
事用權五侯驕奢排擯宗室孤弱公族其有智能者尤非毀  
而不進遠絕宗室之任不令得給事朝省恐其與已分權事  
勢不兩大王氏與劉氏且不並立宜發明詔吐德音接近宗  
室親而納信黜遠外戚毋授以政所以褒睦內外之姓子孫  
無疆之計也

哀帝卽位賜宗室王子有屬者馬各一

本紀

平帝元始元年詔宗室屬末盡而以罪絕者復其屬其爲吏舉  
廉佐史補四百石

本紀師古曰宗室爲吏者皆令舉廉各從本  
秩而依廉吏遷之爲佐史者例補四百石

四年二月賜宗室有屬籍者爵自五大夫以上各有差

本紀

五年正月拾祭明堂宗室子九百人召助祭禮畢皆益戶賜爵  
及金帛增秩補吏各有差詔曰蓋聞帝王以德撫民其次親親  
以相及也昔堯睦九族舜厚叙之朕以皇帝幼年且統國政惟  
宗室子皆太祖高皇帝子孫及兄弟吳頃楚元之後漢元至今  
十有餘萬人雖有王侯之屬莫能相糾或陷入刑罪教訓不至  
之咎也傳不云乎君子篤於親則民興於仁其爲宗室自太上  
皇帝以來族親各以世氏郡國置宗師以糾之致教訓焉二千  
石選有德義者以爲宗師考察不從教令有寃失職者宗師得  
因郵亭書言宗伯請以聞常以歲月正賜宗師帛各十四



西漢初宗室封王者帝子王已見皇

楚元王交高帝弟

代王喜高帝兄

荆王賈高帝從父弟

燕敬王澤高帝從祖昆弟各王受封傳國本末見封建考此更不錄後同

西漢宗室王子侯

高帝時封三人

高后時封三人

孝文時封十四人

孝景時封七人

孝武時封一百七十七人

孝昭時封十二人

孝宣時封六十三人

孝元時封四十八人

孝成時封四十三人

孝哀時封九人

孝平時封二十七人

各侯姓名及受封傳國本末並見封建考此更不錄後同

東漢世祖建武二年十二月戊午詔曰惟宗室列侯為王莽所

廢先靈無所依歸朕愍之其並復故國若侯身已歿屬所上其

子孫見名尚書封拜紀

十三年二月丙辰詔曰長沙王興真定王得河間王邵中山王

茂皆襲爵為王不應經義其以興為臨湘侯得為真定侯邵為

樂成侯茂為單父侯其宗室及絕國封侯者凡一百三十七人

丁巳降趙王良為趙公太原王章為齊公魯王興為魯公

漢置宗正卿掌序錄王國嫡庶之次及諸宗親屬遠近郡國歲

因計上宗室名籍若有犯法當髡以上先上諸宗正宗正以聞

乃報決胡廣曰又歲一治諸王世譜差序秩

和帝元興元年宗室以罪絕者悉復屬籍以後屢有此詔不悉錄

魏文帝黃初二年制封王之庶子為卿公嗣王之庶子為亭侯

公之庶子為亭伯

明帝太和五年詔令諸王及宗室公侯各將適子一人朝



齊王時宗室曹固上書曰大魏之興二十四年矣子弟王空  
虛之地君有不使之民宗室竄於閭閻不聞邦國之政權均  
匹夫勢齊凡庶內無深根不拔之固外無磐石宗盟之助非  
所以安社稷為萬世之業也且今之州牧郡守古之方伯諸  
侯皆跨有千里之士兼軍武之任或比國數人或兄弟並據  
而宗室子弟曾無一人廁其間與相維制非所以強幹弱枝  
備萬一之虞也今之用賢超為名都之主或為偏師之帥而  
宗室有文者必限之小縣之宰有武者必致百人之上非所  
以勸進賢能褒異宗室之禮也語曰百足之虫至死不僵以  
其扶之者衆也此言雖小可以譬大是以聖王安不忘危存  
不忘亡故天下有變而無傾危之患矣冀以此論感寤曹爽  
爽不能用

### 魏宗室

曹仁

太祖從弟仕至車騎將軍封陳侯

曹洪

太祖從弟仕至驃騎將軍封陽侯

曹休

太祖族子仕至大司馬揚州都督封長平侯

曹真

太祖族子仕至大司馬封東鄉侯

晉武帝懲魏氏孤立之敝故大封宗室授以職任又詔諸王皆  
得自選國中長吏衛將軍齊王攸獨不敢皆令上請又詔除魏

### 宗室禁綱

晉置宗正統皇族宗人圖謀

晉宗室王侯

安平獻王孚

宣帝弟

彭城穆王權

宣帝弟

高密文獻王泰

宣帝弟

范陽康王綏

宣帝弟

濟南惠王遂

宣帝弟

譙遜王剛

宣帝弟

任城景王陵

宣帝弟

平原王幹

宣帝弟

汝南文成王亮

宣帝子

琅琊武王伋

宣帝子

清惠亭侯京

宣帝子

扶風武王駿

宣帝子



梁王彤 宣帝子

趙王倫 宣帝子

齊獻王攸 文帝子

城陽哀王卬 文帝子

遼東悼惠王定國 文帝子

廣漢殤王廣德 文帝子

樂安平王鑒 文帝子

燕王機 文帝子

宋宗室諸王侯

長沙景王道憐 武帝中弟

臨川烈武王道規 武帝季弟

營浦侯遵考 武帝族弟

始武帝輔政時諸子並弱宗室唯有遵考云

孝武制帝室蕃親官非祿官者月給錢十萬

齊宗室諸王侯

衡陽元王道度 高帝長兄

始安王道生 高帝次兄

南豐伯赤斧 高帝從祖弟

臨汝侯坦之 高帝絕服族子

梁宗室王侯

吳平侯景 武帝從父弟

長沙宣武王懿 武帝兄

永陽昭王敷 武帝兄

衡陽宣王暢 武帝弟

桂陽簡王融 武帝弟

臨川靜惠王弘 武帝弟

南平元襄王偉 武帝弟

安成康王秀 武帝弟

始興忠武王憺 武帝弟

鄱陽忠烈王恢 武帝弟

梁置宗正卿位視列曹尚書主皇室外戚之籍以宗室爲之

陳宗室王侯

永脩侯擬 武帝疎屬

遂興侯詳

宜黃侯慧紀 武帝從孫

南康愍王曇朗 武帝母弟

後魏宗室王侯

上左公紇羅 神元帝曾孫

武陵侯因

長樂王壽樂 並章帝後

望都公頽 昭帝後

六脩 穆帝長子

曲陽侯素延



順陽公郁

宜都王目辰

並桓帝後

吉陽男比干

江夏公呂

道武族弟

高涼王孤

平文帝第四子

西河公敦

平文帝曾孫

司徒

平文帝玄孫

武衛將軍謂

烈帝第四子

河間公齊

烈帝玄孫

扶風公處真

烈帝後

文安公泥

魏疏族

寔君

昭武帝子

秦王翰

昭武帝子

閼婆

壽鳩

紇根

地干

力真

窟咄

並昭成帝子

明帝時京兆王遙大功昆弟皆是景穆之孫至明帝而本服絕故除遙等屬籍遙表曰竊聞聖人所以南面而聽天下其不可得變革者則親也尊也四世而總服窮五世而祖免六

世而親屬竭矣去茲以往猶繫之以姓而弗別綴之以食而弗殊又律曰議親者非唯當世之屬親歷謂先帝之五世謹尋斯旨將以廣帝宗重磐石先皇所以變茲事條爲此別制者大和之季方有意於吳屬經始之費慮深在初割滅之起暫出當時也且臨淮王提分屬籍之始高祖賜帛三千疋所以重分離樂良王長命亦賜縑二千疋所以存慈眷此皆先朝殷勤克念不得已而然者也古人有言百足之蟲至死不僵者以其輔已者衆臣誠不欲妄親太階苟求潤屋但傷太宗一分則天子屬籍不過千數人而已在漢親王之子不限多少皆列土而封謂之曰侯至于魏晉莫不廣胙河山稱之曰公者蓋惡其大宗之不固骨肉之恩踈矣臣去皇上雖是五世之遠於先帝便是天子之孫高祖所以國秩祿賦復給衣食后族唯給其賦不與衣食者欲以別內外限異同也今



諸廟之感在心未忘行道之悲倏然已及其諸封者身亡之日三年服終然後改奪今朝廷猶在過密之中便議此事實用未安詔付尚書博議以聞尚書令任城王澄尚書左僕射元暉奏同遙表靈太后不從

先是皇族有譴皆不持訊時有宗士元顯當犯罪宗正約以舊制尚書李平奏以帝宗磐石周布天下其屬籍踈遠蔭官卑末無良犯憲理須根究請立限斷以為定式詔曰雲漢綿遠蕃衍代滋植籍宗氏而為不善者良亦多矣先朝既無不訊之格而空相矯恃以長為暴諸在議請之外者可悉依常法

北齊宗室王侯

趙郡王琛 神武帝弟

廣平公盛 神武從叔祖

清河王岳 神武從父弟

陽州公永樂 神武從祖兄子

上洛王思宗 神武從子

武興王普 歸彥兄子

長樂太守靈山 神武族弟

神武諸子已見皇子門

齊置大宗正寺掌宗室屬籍統皇子王國諸長公主家

周宗室無封爵貴顯者周文帝諸子已見皇子門更不重叙

隋宗室諸王

蔡景王整 文帝次弟

滕穆王瓚 文帝弟

道宣王嵩 文帝弟

衛昭王爽 文帝弟

河間王弘 文帝從弟

義城公處綱 文帝族父

離石太守子崇 武元帝族弟

唐宗室四十一房

一曰定州刺史 名乞豆仕後魏太祖景皇帝虎之次弟

二曰南陽公 景帝子名延伯 三曰譙王 景帝子名真



四曰葵王景帝子名綱

五曰畢王景帝子名璋

六曰雍王景帝子名珪

七曰郇王景帝子名律

八曰大鄭王景帝子名亮

九曰蜀王代祖元皇帝子名湛

十曰巢王高祖子元吉

十一曰大楚王高祖子智雲

十二曰荆王高祖子元景

十三曰徐王高祖子元禮

十四曰韓王高祖子元嘉

十五曰彭王高祖子元則

十六曰小鄭王高祖子元懿

十七曰霍王高祖子元軌

十八曰虢王高祖子元原

十九曰道王高祖子元慶

二十曰鄧王高祖子元裕

二十一曰舒王高祖子元名

二十二曰魯王高祖子元靈

二十三曰江王高祖子元祥

二十四曰密王高祖子元曉

二十五曰滕王高祖子元嬰

二十六曰恒山王太宗子承乾

二十七曰吳王太宗子恪

二十八曰濮王太宗子泰

二十九曰蔣王太宗子暉

三十曰越王太宗子貞

三十一曰紀王太宗子貞

三十二曰曹王太宗子明

三十三曰澤王高宗子金

三十四曰章懷太子高宗子賢

三十五曰湖陽郡王睿宗子範

三十九曰惠宣太子睿宗子賢

又有隴西渤海二房附見其譜定著三十九房自玄宗以後

諸王不出閭不分房子孫闕而不見

太宗貞觀元年初上皇欲強宗室以鎮天下故皇再從二從弟及兄弟之子雖童孺皆為王王者數十人上從容問羣臣封宗子於天下利乎封德彝對曰前世唯皇子及兄弟乃為王自餘非有大功無為王者上皇敦睦九族大封宗室自兩漢以來未有如今日之多者爵命既崇多給力役恐非示天下以至公也上曰然朕為天子所以養百姓也豈可勞百姓以養已之宗族乎乃詔降宗室郡王皆為縣公惟有功者數人不降



玄宗先天之後皇子幼則居內東封後以年漸長成乃於安國寺東附苑城同爲大宅分院居之名爲十王宅令中官押之於夾城中起居每日家令進膳又引詞學工書之人入教謂之侍讀十王謂慶忠棣鄂榮光儀穎永濟蓋舉全數其後盛傳陳豐恒京六王又就封入內宅開元二十五年鄂光得罪忠王繼大統天寶中慶棣又歿唯榮儀十四王居內而府幕列於外坊歲時通名起居而已外諸孫長成又於十宅外置百孫院每歲幸華清宮側亦有十王宅百孫院十王宮人每院四百餘人又於宮中置維城庫諸王月俸物納之以給用諸孫納妃嫁女亦就十院中太子不居於東宮但居於乘輿所幸之別院太子之子亦分院而居婚嫁則同親王公主於崇仁里之禮院唐宗正寺掌天子族親屬籍以別昭穆凡親有五等先定於司封一曰皇帝周親皇后父母視三品二曰皇帝大功親小功尊

屬太皇太后皇太后皇后周親視四品三曰皇帝小功親總麻尊屬太皇太后皇太后皇后大功親視五品四曰皇帝總麻親袒免尊屬太皇太后皇太后皇后小功親視五品五曰皇帝袒免親太皇太后小功卑屬皇太后皇后總麻親視六品皇帝親之夫婦男女降本親二等餘親降三等尊屬進一等降而過五等者不爲親諸王大長公主親本品嗣王郡王非三等親者亦視五品選舉制凡館有二門下省有弘文館生三十六人東宮有崇文館生二十人以皇總麻以上親皇太后皇后大功以上親宰相貴官之子爲之

唐宗室王侯

南陽公延伯

太祖長子

譙王真

太祖次子

畢王瑋

太祖子

江夏王道宗

瑋之孫

雍王繪

太祖子

淮陽壯王道玄

繪之孫



郇王禕 太祖子

長平肅王叔良 諱子

新興郡王德良 諱子

長樂郡王幼良 諱子

蔡烈王蔚 太祖子

西平懷王安 諱子

襄武郡王琛 安子

河間元王孝恭 安子

濟北郡王瑊 安子

漢陽郡王懷 安子

濟南郡王哲 諱子

廬江郡王琰 哲子

鄭孝王亮 太祖子

淮安靖王神通 亮子

膠東郡王道彥

高密王孝啓

淄川王孝同

廣平王孝慈

河間王孝友

清河王孝節

膠西王孝義 並神通子

梁王澄 世祖子

蜀王湛 世祖子

隴西恭王博 又諱子

渤海敬王奉慈 諱子

唐宗室宰相凡十二人

林甫

回 係鄭王房

石

程

福 係鄭王房

勉 係小鄭王房

夷簡

宗閔 係小鄭王房

適之 係桓山王房

岷 係吳王房

知柔 係宣惠太子房

王氏揮塵錄曰唐書特立宗室傳贊乃云宰相以宗室進者九人林甫姦諛幾亡天下程知柔在位無所發明林甫

在姦臣傳知柔相昭宗附宣惠太子業傳後第五止叙七

人適之岷程然李麟乃懿祖後李逢吉李蔚俱隴西同

系李宗閔出鄭王房李揆亦出隴西宰相共十三人也不

同作一傳何邪



宋宗室諸王

邕王光濟

宣祖長子太祖兄早卒追封

夢王光贊

宣祖幼子太祖弟早卒追封

秦王廷美

宣祖第三子廷美十子太宗篤親不欲太祖及廷美諸子異其稱謂故屬籍皆曰皇子皇女及廷美得罪乃正名

稱皇姓皇姓女

仁宗景祐中下詔度玉清昭應宮舊地建宮合宗室十位聚居賜名曰瞻親院於祖宗後選一人為宗正以司訓導糾違失凡宗族之政令皆令掌之奏事毋得專達先詳視可否以聞初諸王邸散居京師過從有禁非朝謁從祠不得時會見仁宗立瞻親院以壽春郡王允讓知大宗正事總領輯睦甚有恩意務以身先之教養子孫崇尚藝學不幸則正其罪故更相責厲莫不勸服故事內朝謁宗婦不預因曰託姻皇屬而不得一望禁闥非所以顯榮之也奏通其籍又宗婦少喪夫

雖無子不許更嫁曰此非人情乃為請使有歸

神宗熙寧二年中書樞密院言祖宗受命百年皇族日以蕃衍而親疎之施未有等差甄序其材未能如古獻議之臣謂其有所釐正請參酌先王典制時事之宜條具聞奏詔同議以聞臣等今謀定方今可行之制宣祖太祖太宗之子皆擇其後一人為宗世世封公補環衛官以奉祭祀不以服屬兼設其恩禮祖宗祖免親將軍已下願出官者聽仍先經大宗正司陳請大宗正擇本宮尊長與太學教授使學才行堪任使者然後審察以聞就武官者試讀律習書就文官者說試一中經或論一首將軍換諸司副使太常丞正率換內殿崇班太子中允並與州邵監當一次任滿與親民副率換西頭供養官大理評事與監當一次任滿有州郡監司保舉者與親民否則即依外官祖宗祖免親未賜名授官者除右班殿直年十五與請給年二十許



出官願換文官者與試銜知縣並令監當考試及任滿有無保  
任如前法出官日並特與友賜願鑲廳應舉者依外官其非祖  
免親不賜名授官許應舉應進士者只試策論明經者習一大  
經試大義及策初試不成文理者退黜餘今覆試取合格者以  
五分爲限人數雖多不得過五十人累經覆試不中年長者當  
特推恩量材錄用已出官者給俸依在京分數許依審官三班  
銓法指擬注授不以遠近爲限授文官者轉官者轉官與進士  
出身同鑲廳應進士明經舉有出身人至員外郎與轉左曹宗  
室不出官者祖宗元孫轉官至正任觀察使止祖免親至選郡  
刺史止祖宗祖免親見任官合奏薦子孫者許依外官祖宗祖  
免親以下見有官不願出官父祖俱亡者許在京居一隨處置  
產其出官者置田宅如外官法祖宗祖免女嫁賜錢減半婿與  
三班奉職非祖免女量加給賜更不與婿官有官者與免入選

許依審官三班流內銓法指擬注授班行免指使其祖免親  
婦量加給賜其非祖免親嫁娶依庶姓仍不得與非士族家爲  
婚姻祖宗祖免親以外兩世貧無官者量賜田孤幼無依及尤  
貧失所者不拘世數隨所在官司具名聞奏當職特加存恤奏  
上詔曰自我祖宗惇叙邦族大則疏封於爵土次則通籍於閭  
臺並留京師參奉朝請然而世緒寢遠皇枝益蕃屬有親疎則  
恩有隆殺才有賢否則祿有重輕今而一貫於周行是亦奚分  
於流別雖敦睦之道試廣而德施之義未周故延臣數言宰司  
繼請謂宜定正限以等夷朕惟親戚之間經史有訓漢唐之世  
故事具存或以九族辨尊卑或以五宗紀遠近或聽推恩而分  
子弟或許自試而効才能或宗子之賢得從科舉或諸王之女  
自主婚姻盡前世之所行顧當今之未備况我朝制作動法先  
王豈宗室等衰乃無定著因俾羣公之合議將一代之通規載



覽奏封具陳條目以謂祖宗昭穆是宜世世之封王公子孫抑有親親之教若乃服屬之既竭洎于才藝之並優在隨器以甄揚使當官而勉懋至於任子之令通婚之儀凡曰有司之常一用外官之法僉言既允朕意何疑告於將來用頒明命宜依中書樞密院所奏施行

宗正寺言每歲寫仙源積慶圖宗藩慶緒錄送龍圖天章寶文閣今宗室非袒免親既不賜名授官一依外官之法請定所修圖冊詔下禮院詳定禮官言六世親屬既竭繫之以姓而弗別則禮有其義皇宗祖廟雖毀子孫皆於宗寺附籍則今有其文况朝廷釐改皇族授官之制而袒免外親統宗襲爵進預科選遷官給俸恩禮優異悉不與外官匹庶同法屬雖疎而恩數不絕若圖籍湮落則無審其所從證其宗正寺所修圖錄並請仍舊從之

元豐官制行詔大宗正司不隸六曹大宗正以宗室團練以上有德望者爲之次一人爲同知位高屬尊者爲制掌糾合族屬而訓之以德行道藝受其詞訟而糾正其愆違有罪則先劾以聞法例不能決者同上殿取裁凡宗室服屬遠近之數及其賞罰規式皆總之屬有記室一人掌歲奏講書教授十有二人講授兼領小學之事 渡江後頗用南班多不得其人無以表率更生刻削宗室皆患之 置宗學及學官本末見職官門 哲宗紹聖元年禮部言諸宗室係袒免以外兩世祖父俱亡而無官雖有官而未厘務貧不能給者委大宗正司及所在官司奏給錢米從之

徽宗崇寧元年詔曰神宗嘗詔宗室年長者推恩又嘗詔袒免外兩世貧無官者賜田又嘗詔外任者許居於兩京今宜遵先志宰臣蔡京等言宗室舊來在宮有出入之限有不許外交之



禁宮門有幾察之令今疎屬外居僅遍都下積日滋久殆不能容若不居之兩京散之近郡立關幾察之令或一有非意犯法則勢有不可已者今請非袒免親以下兩世除北京外欲分於西京南京近輔或沿流便郡居止各隨州郡大小創置居宇仍先自兩京為始每處置敦宗院命文武官各一員管幹參酌在京宮院法禁不可行者頒下從之

大觀二年正月詔自我英宗起於濮邸入繼大統濮王之後於屬雖親於服已遠如不字之子論正服則猶是總麻視正統則已非袒免無賜名授官之制無祿廩賜予之法比聞貧乏匱困或不能自存朕富有天下而五服內親僅同民庶非強本之道欲盡親親之禮而承統之重義所不敢夙夜以思當使恩義兩得然後為稱應濮陽孫士字可依仲字不字及不字之子並依士字恩數條例宗女隨其字行等第施行庶不失承統之義而

盡人倫之親

八月詔保州皇族子孫於屬雖遠然未有仁而遺其親者比聞皇族之孫未官者餘三十人或貧乏不能自存已令置敦宗院其六房內各擇最長年二十已上者與三班奉職二人一房及六人已上加一人並與添差監當

宣和五年詔今後內外宗室並不稱姓七年後詔依熙寧法並著姓

先是宗正少卿趙子崧賜對帝問宗子何以著姓子崧以熙寧之法為對遂詔宗室並不著姓其後有司不復考故事官職無高下皆名別之至是子崧復為帝言故寢前詔

宋朝宗室侍從自宣和至嘉泰凡十九人太祖下令鑠寶文閣

令諱戶部子崧端明殿學士子畫子直子櫟並寶文閣學士子肅子

厚戶部伯圭端明殿學士師訓工部師範數文閣師宰戶部太

師戶部伯圭端明殿學士師訓工部師範數文閣師宰戶部太



宗下不棄 不流 善堅並工部侍郎不迹華文閣 魏王下彥中

中書舍人 彥操煥章閣 彥逾工部侍郎

宗室為狀元者乾道初汝愚中詞科者淳熙初彥中中童子舉者慶元中崇榘三年六月己卯崇榘以能誦六經免文解

宗正寺仙源類譜太祖下德字行四人惟字行八人從字守字

行二十四人世字行一百二十九人令字行五百六十四人子

字行一千二百五十一人伯字行一千六百四十五人孝宗同

師字行一千四百九十人希字行一千一百四十人與字行一

百十人凡六千三百六十五人孟字行由字行未見數太宗下

元字行九人允字行十九人宗字行七十五人英宗同 仲字行

三百八十八人士字行一千四百九十九人不字行二千一百

三十人善字行二千四百三十一人汝字行一千二十二崇

字行四百一十三人必字行一十九人凡八千有五人良字行

友字行未見數魏悼王下德字行十人承字行三十二人克字

行一百二十七人叔字行五百六十一人之字行一千四百二

十五人公字行一千七百七十四人彥字行一千八百二十四

人夫字行一千六百六十六人時字行二百五十三人若字行

二十四人嗣字行未見數其見數者凡七千二百九十六人以

淳熙八年計之三祖下合二萬一千六百六十有六人英宗子

吳王益下孝字行十三人安字多字居字行皆為南班官未見

數淳熙初詔多字行之子連自字紹熙初詔自字行之子連甫

字徽宗子隸華宅諸王下連卿字卿字下連茂字茂字下連中

字中字下連孫字然隸華子孫自靖康以來皆隔異域但遙為

排連而已 保州宗室者翼祖皇帝後也建炎初隔絕紹興九

年渡江者數十人有官四人而已上念之詔注官如兩京例今

廣字繼字夫字行者是也 故事宗室適人皆內侍與有司主

帝系 建炎 宋史 卷一百一十五 九



之熙寧後以昭穆益疎乃給資具祖宗元孫女五百十五世三百五十千六世三百一十七世二百五十千八世百五十千紹興七年冬詔元孫減五之二六世八世減三之一五世七世減七之二已適而再行者各減半然有司不時給宗女貧不能行多自稱不願出適者三十二年惠靖襄王子子遊知南外宗正事請於朝下泉州以經總制司錢支給云

建炎末上以天屬避地者少詔南班宗婦無子孫食祿者廩給有差凡祖宗總麻親歲給錢九十六千米三十六斛帛二十八疋袒免親錢米減三之二綿帛並減半四年六月已卯故事宗室近臣吉凶皆有賜予紹興初以軍興財匱罷之六年正月已巳十一年秋皇叔祖右監門衛大將軍仲圭卒于臨安至無以斂判大宗正事齊安郡王士儂言于朝詔總麻親任環列以上亡者賜錢三百千袒免減三之一九月甲辰今以為例焉本朝宗室皆聚於京師熙

寧間始許居于外蔡京為政即河南應天置西南二敦宗院設宗官主之靖康之禍在京宗室無得免者而雖雒二都得全建炎初上將南幸先徙諸宗室於江淮於是大宗正司移江寧南外移鎮江西外移揚州元年八月戊午明年春又移西外於泰州及高郵軍正月三年冬又移於福州而南外移泉州以避狄十二月甲子紹興元年秋嗣濮王仲湜請合西南外宗正為一司以省財用有司以泉州乏財不許九月壬子是時兩外宗子女婦合五百餘人歲費緡錢九萬南外三百四十九人歲費錢六萬緡西外一百七十六人歲費錢約三萬緡紹興府宗正司者紹興三年以行在未有居第權分宗子居之三十年春恩平郡王出居會稽遂以為判大宗正事三月乾道七年虞丞相秉政言蜀中闕大宗正司上欲移紹興府宗正司於成都五月既而不行但省會慈一司而已今蜀中宗子甚衆既無親賢領之但每州以行尊者一員檢察錢米請受由是往往蹈於



非彛而不可訓焉

東都故事宗子皆築大舍聚居之太祖太宗九王後曰睦親秦王後曰廣親英宗二王曰親賢神宗五王曰棣華徽宗諸王曰蕃衍渡江後宗子始散居郡邑惟親賢子孫爲近屬則聚居之孝宗子四人邵悼肅王無後莊文太子魏惠憲王早薨莊文之妃惠憲之夫人皆別居賜第初莊文旣大祥議者欲皇孫出居于外或以爲不可又踰年竟以知樞密院府爲外第焉紹熙初寧宗封嘉王將以所藉富民裴氏之居爲府第而議者以爲非宜乃改築蓋自紹興以來天屬鮮少故不復賜宅名云

容齋洪氏隨筆曰吏部員多闕少今爲益甚而選人當注職官簿尉輒爲宗室所奪蓋以盡壓已到部人之故案宣和七年八月臣僚論祖宗時宗室無參選法至崇寧初大辟僥倖遂使任意出官又優爲之法參選一日即在闕選

名次之上以天支之貴其間不爲無人而膏粱之習貪淫縱恣出爲民害者不少議者頗欲懲革罷百十人之私恩爲億萬人之公利誠爲至當若以親愛未忍姑乞與在部人通理名次從之靖康元年八月又奏云祖宗時未有宗室參選之法神宗時始選擇差注一二崇寧初立法太優宗室參選之日在本部名次之上旣歷年月深遠勞効顯著之人復占名州大縣優便豐厚之處議者頗欲懲革不注郡守縣令與在部人通理名次有旨從之此二段元末嘗衝改不知何時復紊也

又曰本朝宗室袒免親女出嫁如婿係白身人得文解者爲將仕郎否則承節承信郎妻雖死夫爲官如故案唐正元中故懷澤縣主婿檢校贊善大夫竇刻紹狀言臣頃以國親超受寵祿及縣主薨逝臣官遂停臣倍位出身未授



檢校官自有本官伏乞宣付所司許取前銜婺州司戶參軍隨例調集詔許赴集仍委所司比類前任正員官依資注擬自今已後郡縣主婿除丁憂外有曾任正員官停檢校官俸料後者準此處分乃知婿官不停者恩厚於唐世多矣紹興中高士勳尚偽福國長公主至觀察使及公主事發誅死猶得故官可謂優渥

又曰壽皇聖帝登極赦恩凡宗子不以服屬遠近人數多少其曾獲文解兩次者並直赴殿試略通文墨者所在州量試則補承信郎由是入仕者過千人已上淳熙十六年二月紹熙五年七月二赦皆然故皇族得官不可以數計偶閱唐昭宗實錄載一事云宗正少卿李克助奏准去年十一月赦書皇三等以上親無官者每父下放一人出身皇五等以上親未有出身倍位者與出身寺司起請承前

舊例九廟子孫陪位者每父下放一人出身共放三百八十人其諸房宗室等各赴陪位納到文狀共一千二十七人除元不起陪位及不納到狀及違寺司條流不取宗室克係落下外係三百八十人合放出身勅准赦書處分予案昭宗以文德元年即位次年十一月南郊禮畢肆赦其文略云皇三等以上親委中書門下各釋有才行者量與改官無官者每父下放一人出身皇五等以上親未有出身陪位者與出身然則亦有三等親陪位與不陪位之差別也



文獻通考卷之二百五十九

文獻通考卷之二百六十

宋鄱陽馬端臨貴與著

封建考

明靳陽馮天馭應房校刊

黃帝之時神農氏世衰

謂神農氏後代子孫道德衰薄非指炎帝之身也

諸侯相侵伐

暴虐百姓而神農氏弗能征於是軒轅乃習用干戈征不享諸

侯咸來賓從而蚩尤最為暴莫能伐炎帝欲侵陵諸侯諸侯咸

歸軒轅軒轅乃修德振兵以與炎帝戰于阪泉之野三戰然後

得其志謂黃帝克炎帝之後蚩尤作亂不用帝命黃帝乃徵師諸侯與蚩

尤戰于涿鹿之野遂禽殺蚩尤蚩尤當時諸侯之強者而諸侯咸尊軒轅

為天子代神農氏是為黃帝天下有不順者黃帝從而征之平

者去之置左右大監監于萬國上監去聲下監平聲萬國和而

鬼神山川封禪與為多焉

舜正月上日受終于文祖上日朔日終謂堯終帝位之祖廟也輯五瑞



既月乃日觀四嶽羣牧班瑞于羣后韓欽既盡觀見班還后君

圭璧盡以正月中乃日見四嶽及九州牧監還五瑞於諸侯與之正始歲二月東巡守至于岱宗

柴燔柴乃祭天告至也望秩于山川東岳諸侯境內名山大

五岳視三公四肆觀東后協時月正日同律度量衡合四時之

大視諸侯之類大小日之甲乙使齊一也律法制及尺修五禮實嘉

諸侯三帛執玄附庸之君二生執鴈是也一死士執

贊如五器器圭卒乃復不還也五月南巡守至于南嶽如岱禮

八月西巡守至于西嶽如初十有一月朔巡守至于北嶽如西

禮歸格于藝祖用特巡守四岳然後歸告五載一巡守羣后四

朝各朝于方敷奏以言明試以功車服以庸

按封建莫知其所從始也三代以前事迹不可考召會

征討之事見於史記黃帝紀巡守朝覲之事見於虞書

舜典故據其所紀以為事始

禹承唐虞之盛塗山之會諸侯執玉帛者萬國及其衰也有二

窮孔申之亂遭桀行暴諸侯相兼逮湯受命其能存者三千餘

國方於塗山十損其七其後紂作淫虐周武王致商之罪一戎

衣而天下治定五等之封凡千七百七十三國又滅湯時千三

百國

鄭氏曰春秋傳曰禹會諸侯於塗山執玉帛者萬國言執

玉帛者則是惟謂中國耳中國而言萬國則是諸侯之地

有方百里有方七十里方五十里禹承堯舜而然矣要

服之地內方七千里乃能容之夏末既衰夷狄內侵諸侯

相并土地減國數少殷湯承之更制中國方三千里之界

亦分為九州而建此千七百七十三國焉周公復唐虞之

舊域分其五服為九其要服之內亦方七千里而因殷諸

侯之數廣其土增其爵耳



臨川王氏曰禹會諸侯執王帛者萬國此左氏之妄也禹之會塗山在東方不過見東方諸侯耳豈使四海之內會於一山之下哉以禹之時有萬國則不當指塗山而言也書曰萬國總四海之內大畧而言且九州之地今可以見若皆以爲國則山川沮澤不可以居民獨立一君孰爲之民乎

○慈湖楊氏曰堯舜協和萬邦春秋傳稱禹會諸侯執王帛者萬國此言其大數耳使不滿亦可言萬或倍萬亦可言萬如言萬物萬民奚止於萬耶皆舉其大畧言之耳先儒顧必欲整整釋所謂萬數鄭康成謂州十有二師者州立十二人爲諸侯師蓋百國一師州十有二師則州千二百國也八州九千六百國餘四百國在畿內則整整爲萬國不多一不少一吁可哂哉公羊說殷三千諸侯周千八百

諸侯孝經說亦云周千八百諸侯此或據古志而云漢博士求其說而不可得遂爲之說曰四海之內九州州方千里州建百里之國三十云云凡二百一十國八州千六百八十國又天子之縣內方百里之國九云云凡九十三國以應周千八百諸侯之數武王之興不期而會盟津者八百諸侯康成遂又謂三分有二則殷末千二百諸侯牽合可笑之甚獨不思諸侯之建不知其所始其爲君爲長者地醜德齊莫能相尚其間聖人出焉舉天下咸歸服之是爲帝爲王夫所謂爲君爲長者皆諸侯也太少多少之數豈得而預定則又豈能新立法更易之增損之以合王制所言之數耶武王克商滅國者五十爾餘率因其舊則周所封建亦不多矣詎能盡更而易之雖有功德則加地有罪則削地其有功有罪者亦不見數姑仍其舊乃勢之



常而漢儒爲是等等差差不可少有增損之制則亦不思之甚矣

○先公曰愚按禹會塗山執玉帛者萬國傳夏商及周文武之間上千七百餘國盟津之會雖曰八百諸侯然未嘗有以名字自見者曾不如庸蜀羌髳微盧彭濮之猶以其號自見者何也異時周家所資以蕃屏王室者皆周所自封之諸侯而古諸侯無復存者如奚仲之後爲薛皐陶之後爲六蓼僅見於春秋時此所謂古諸侯也然皆小國寡民凜不自保於強大之間而終以見滅耳柳子厚言封建非聖人意也勢也資以滅夏者湯不得而廢資以滅商者武王不得而廢也蘇黃門言商周之初上古諸侯蕃布天下植根深固是以新故相繼勢如犬牙數世之後皆爲故國不可復動是則然矣今以當時事勢推之所謂古諸侯者

土地人民其存餘幾亦何不可廢不可動之有武王周公定周之初封建可也郡縣亦可也聖人之心以公而不以私封建則世守其國家而以天下之地與天下爲公郡縣則更易其守今而以天下之權爲一人之私公私之分而享國之久近存焉耳

王制凡四海之內九州州方千里州建百里之國三十七十里之國六十五十里之國百有二十凡二百一十國名山大川不以封其餘以爲附庸間田八州州二百一十國

十三公也立次國六十六卿也立小國百二十小國也  
名山大澤不以封者與民同財不得障管亦賦稅之而已此大  
界方三千三百里三而九千九里者九也其一爲縣內餘八各立  
一州此殷制也周公制禮九州大界方七千里七七四十九方  
千里者四州有九其一爲畿內餘四十八州各有方千里者  
六設法一州封地方五百里者不過四謂之大國又封方四百  
里者不過六又封方三百里者不過二謂之次國又封方二百  
并四十六一州二百一十國則餘方百里者百六十四也凡廣  
地方千里者五方百里者五十九其餘方百里四十一附庸地



也天子之縣內方百里之國九七十里之國二十有一五十里之國六十有三凡九十三國名山大澤不以盼其餘以祿士為

間田縣內夏時天子所居州界名也殷曰畿詩殷頌曰邦畿千里致仕者副之為六也其餘三待封王之子弟次國二田一為有亦待封王之為五十四其餘九亦以時封王之子弟三孤之田不致佐猶可即而謀焉勝讀為班凡九州千七百七十三國天子之言執玉帛則是唯謂中國耳中國而言萬國則是諸侯之地有方百里有方七十里乃能容之夏末既衰夷狄內侵諸侯相并土地咸國數少殷湯承之更制中國方三千里之界亦分為九州而建此千七百七十三國焉周公復唐虞之舊域分其五服為九其要服之內亦方七千里而因殷諸侯之數廣其土增其爵耳孝經說曰周千八百諸侯布列五千里內此又改周之法關盛衰之中三七之間以為畿內餘二千四百州各有方千里者三其餘諸侯之地大小則未得而聞也

○朱子語錄曰封國之制漢儒之說只是立下一箇算法非

惟施之當今不可行求之昔時亦有難曉處且如九州之地冀州極濶河東河北皆在焉雍州亦闊陝西五路皆屬焉若青兗徐豫則疆界有不足者矣設如夏時封建之國至商革命之後不成地多者削其國以予少者如此則彼未必服或以生亂又如周王以原田予晉文其民不服至於伐之蓋世守其地不肯遽從他人若封王子弟必須有空地方可封左氏載齊地蒲姑氏因之而後太公因之若成王不得蒲姑之地太公亦未有頓放處



此諸侯出軍之制

武孔

公侯百里

萬井三分去一六萬夫

成氏

經

萬井

分用

無

十孟

明

之子

文

圖說

大國三軍

三萬七千五百人

伯七十里

四千九百井三分去一二萬九千四百夫

子男五十里

二千五百井三分去一萬五千夫

次國三軍

二萬五千夫

小國一軍

萬二千夫



成國兼附庸之制

食一 百 里	諸 侯 之 地	封 疆 方 四 百 里	其 食 者 三 之 一
--------------	------------------	----------------------------	----------------------------

司馬法乃公田用助通率

如此但周制鄉遂用貢米

地用助通率計之四同有

半之地已為成國

食一 百 里	諸 伯 之 地	方 伯 三 百 里	其 食 者 三 之 一
--------------	------------------	-----------------------	----------------------------

司徒建邦國之圖

兼附庸言之

則有五等以

目有地言之

三等而已與

分土為三不

相抵牾

食二百  
五十里

同其食

諸公之地封

公

疆方五百里

者半

千乘之賦地占

四同有奇餘為

附庸之地

司馬法同十

為封封三百

一十六里提

封十萬井兵

車千乘



食五千里  
諸子之地封  
疆二子  
里其百方  
食者四之一

食二上五三  
諸男之地封男無  
疆男方  
百男里附庸  
其食男之一

國封方職  
公四則里百五方以

公

公

公

公

侯六則里百四方以

四同之地  
以為閭田

侯

侯

俠

侯

俠

侯

伯一十則里百三方以

伯

伯

伯

伯伯

伯

白

伯

伯

伯

餘同

伯



設以方二百里則十二子圖

子	子	子	子	子
子	子	子	子	子
子	子	子	子	子
子	子	子	子	子
子	子	子	子	子

以	方	百	里	則	百	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男
男	男	男	男	男	男	男	男	男	男

成王廣魯之圖

明堂 位云 魯地 方七 百里 革車 千乘

如司馬法方七百里 出革車幾五千乘詩 云錫之山川土田附 庸然則七百里蓋包 山川土田附庸言之 車止千乘則猶大國 之制


地方七 百里革 車千乘



今定分土惟三之圖

一同為三郊一同為三遂


餘二同半出賦二百五十

公乘合千乘公地四同有半

為方二百一十里侯上同

於公

圖



一同為方七十里

者二一為二郊

餘一同出賦合六


百乘

伯地二同為方百

四十一里實二百

四十步


伯新圖





男新圖

一同為方五十里  
 者四一為一軍  
 餘為五十里者二  
定出賦五十  
乘合三百乘  
 子下同於男周禮  
 於男獨見自有封  
 疆可推而上



周禮大司徒凡建邦國以土圭土其地而制其域諸公之地封疆方五百里其食者半諸侯之地封疆方四百里其食者參之一諸伯之地封疆方三百里其食者參之一諸子之地封疆方二百里其食者四之一諸男之地封疆方一百里其食者四之一職方氏凡邦國千里封公以方五百里則四公方四百里則六侯方三百里則十一伯方二百里則二十五子方一百里則百男以周知天下

尚書武成列爵惟五分土惟三

孟子萬章北宮錡問周室班爵祿孟子曰公侯皆方百里伯七十里子男五十里不能五十里者不達於天子附於諸侯曰附庸

左傳子產曰天子之地一圻列國一同

唐氏曰學者見司徒建邦國封疆與武成分土之等孟子



班祿之制不合因謂周禮非周公之制為周禮者又強為之說曰周九州之界方七千里周公變商湯之制雖小國地皆方百里是皆未深考之耳費誓曰魯人三郊三遂左氏曰成國不過半天子之軍諸侯之大者三軍可也然則大國三軍出於三郊三遂副之周制然矣牧誓曰武王戎車三百兩虎賁三千人御事司徒司馬司空然則大國三軍三卿為之師一軍之戎車百二十五乘商制然矣商周諸侯之軍制既同分土之制安得而異周之九服即禹之五服烏觀所謂七千里者周公相武王滅國者五十而所立七十一國分土之制遽過於商大者二十四倍小者猶三倍何所容之後儒不能通則曰是兼附庸誠是也抑不思百里之提封萬井三分去一為六萬夫之地悉以家一人率之為兵六萬尚不足三郊三遂七萬五千人之數為

車六百乘亦不足千乘之數所謂國屬田官田賞田牛田牧田與卿大夫公子弟之采邑於何容之家既役其一入百畝又征其什一它無餘地車輦馬牛干戈之屬於何出之百畝之分以中農計之足食七人什取其一則十夫而食七人古庶人在官次等之祿也六萬夫之稅足當中國農夫六千人而已三鄉之吏九千四百六十人於何給之尚未食三遂之吏與其百官之衆府史胥徒之祿宗廟朝廷之禮王國之朝貢四鄰之邦交於何取用也百里之地不足為公侯之國明甚況七十里止二萬九千四百夫之地五十里止一萬五千夫之地其不能為諸侯之國抑又明矣然則子產孟子之言非歟曰二子何可非也抑古人之為言省文而互見詳而考之未有不合者古之為國有軍有賦王六軍大國三軍次國二軍小國一軍此軍也出



於國之郊者也天子萬乘諸侯千乘此賦也出於成國者也自軍言之則方百里而具三軍方七十里而具二軍方五十里而具一軍推而上之方二百里而具六軍自賦言之則方千里而具萬乘二百一十里而具千乘通軍與賦而言之則方千里者為兵車萬九百乘推而下之方百里者為方五十里者四五十里具一軍又五十里者為一遂合為兵車二百五十乘餘方五十里者一定出賦五十乘軍賦合三百乘男之國也由是推而上之七十里而具二軍又七十里而具二遂略當一同合為兵車五百乘加一同定出賦百乘軍賦合六百乘伯之國也百里而具三軍又百里而具三遂合為兵車七百五十乘加二同有半定出賦二百五十乘軍賦合千乘公之國也伯二同則方百四十一里公四同有半則方二百一十一里子下同於男

侯上同於公是謂分土惟三自是而外則附庸也山川也土田也雖未必皆其所有皆在封疆之內矣今夫顓臾昔者先王以為東蒙主且在邦域之中矣此附庸在封疆之證也居常與許復周公之宇此土田在封疆之證也奄有龜蒙遂荒大東奄有鳧繹遂荒徐宅此山川在封疆之證也封疆之內附庸山川土田皆在焉然皆非出軍制賦之壤故地方七百里而止於革車千乘則舉封疆而言雖七百里猶可而况五百里四百里三百里二百里百里乎故於天子言千里者兼軍賦而言之於諸侯言百里七十里五十里者獨舉軍制而言也於天子言萬乘者以賦法通率也於諸侯言千乘者兼軍賦而言也於諸公言五百里諸侯言四百里伯言三百里子言二百里者包山川土田附庸於封疆也於諸男言百里者獨舉其出軍賦之封疆



也凡此者皆省文而互見若異而相通何嘗纖毫牴牾哉  
且先王之於諸侯豈其封疆一定而遂無所勸懲哉公之  
地錫之山川土田附庸合五百里而止侯伯子亦然男之  
百里所自有有慶而益以地則豈以百里爲拘哉存男之  
百里以見自有之封疆耳公侯伯子慶而益責而削皆在  
封疆之中矣此周公之定制而成王廣魯以七百里則康  
周公云爾非周公之制所得而拘也於齊有賜履焉於衛  
有封畛土略焉於韓侯有奄受北國焉山川土田附庸或  
得其全或得其偏皆封疆之數也與武成孟子之言蓋相  
表裏矣然則其食者半三之一四之一諸儒之說孰是乎  
曰皆非也鄭司農謂所食租稅之數男適五十里是大國  
貢輕小國貢重也鄭康成謂公以一易侯伯以再易子男  
以三易是大國土沃而小國土瘠九等自不易至再易而  
止未有三易者豈諸侯之地皆無不易者哉康成之說旣  
不通司農之說又倒置輕大而重小是侮弱而畏強也豈  
所謂哀多益寡稱物平施周道如砥其直如矢者哉子產  
曰先王班貢輕重以列列尊貢重甸服也甸非侯甸之甸  
乃祭公所謂邦內甸服也畿外諸侯則列尊貢重矣公半  
侯伯三之一子男四之一不亦尊重而卑輕乎康成曰大  
國貢重正之也小國貢輕字之也其意是矣奈何以一易  
再易三易爲說也授之沃壤而貢重予之瘠土而貢輕是  
乃適當然烏在其爲正之字之哉當以王食其半三之一  
四之一爲正然王食豈盡取其所稅哉諸侯以什一取民  
王又以什一取諸侯則四之一者是乃四十之一耳甸稍  
縣都皆無過十二於其什一之中槩取其二焉此甸服之  
所以列卑貢重歟職方氏七伯當爲行一伯注說爲是




陳氏禮書曰夫列爵惟五所以稱其德分土爲三所以等其功德異而功有所同故公侯之地同於百里子男之地同於五十里地同而附庸有所異故諸公之地方五百里諸侯之地方四百里諸伯之地方三百里諸子之地方二百里諸男之地方百里蓋三等之地正封也五等之附庸廣封也正封則尺地莫非其土一民莫非其臣尊者嫌於盛而無所屈卑者嫌於削而無所立故公之地必下而從侯男之地必上而從子至於廣封則欲上之政令有所統而不煩下之職貢有所附而不費又非諸侯得以擅之也而尊者不嫌於太多卑者不嫌於太寡故公之地必五百里而異於侯男之地止百里而異於子也

朱氏語錄曰向來若舉進制度說周禮封疆方五百里是周圍五百里徑只百二十五里方四百里者徑只百里方三百里徑只七十五里方二百里徑只五十里方百里者徑只二十五里自奇其說與王制等語相合然本文方千里之地以封公則四公以封侯則六侯以封伯則七伯以封子則二十五子以封男則百男其地已有定數此說如何可通况男國二十五里之小則國君即今之一耆長耳何以爲國君

按諸侯分封受地之多寡周禮大司徒職方氏所載與王制及子產孟子所言不合鄭注以爲合山川附庸而言先儒遂欲融會二說而一之如陳祥道唐仲友之論特爲明暢故備錄之若止齋徑圍之說則侯伯子之地僅可脗合而公之地多二十五里男之地僅得五十里之半其與王制孟子所言均之爲齟齬不合耳

右分封之制





司馬九畿之圖

東夷千海

蕃 大行人九州之外謂之蕃國兼夷鎮蕃

雖曰以面二百五十里為率通曰九州之外亦無道里之限

鎮

夷 世一見各以其所貴寶為執

二服尚在九州之內行人不言者見舉國

蠻 大行人要服

衛

六歲一見貢貨物  
五歲一見貢材物

六年五服一朝 六服群辟  
固不承德

采

四歲一見貢服物

男

三歲一見貢器物

甸

二歲一見貢續物

侯

歲一見貢祀物

面二百五十里

都

影

稍

甸服  
方千里據  
二面言之  
亦曰十畿

每國土



海四子記

[illegible]

有子

夷貢

荒

二百里流

行人只言真版鎮夷同於藩國  
若論地域鎮夷猶在九州之外

沙流西干被西

百里粟五百里米

甸服之內之地也。甸服之內者，王城之外四面皆

五百里也禾本全曰惣刈禾曰鉏斗蓋旱也半藁去皮曰秬將之  
服者三百內去王城爲近非惟納總公秬而又使之服輪將之

事也獨於稽言之者總前二者而言也穀納也  
故并禾本總賦之外百里次之只刈禾半藁納也  
外百里又次

之去藁麤皮細也外百里然通云其稅而為納賦之輕重精麤遠去其穀而納米也蓋量其地之遠近而為納賦之輕重精麤

也此分甸服五百里而為五等者也

五百里侯服百里采二百里男采三百里衛國之限可服外四百里又各五百里也采者卿大夫

侯侯國之爵也先小國  
甸甸國次國也先小國  
男男國諸侯之爵也先小國  
采采國諸侯之爵也先小國  
衛衛國諸侯之爵也先小國

而後大國者大可以尊外侯而爲三等也五百里紉三百里附也此分侯服五百里而爲三等也紉五百里附三百里附也此分侯服五百里而爲三等也

揆文教二百里奮武衛

也綴服內取玉瑊二百里外奮武衛文以治內武以治外聖人所以  
百里揆文教外如比五百里更及三百里高二百里崇要

緩服五百里而爲二等也  
 五百里要服三百里  
 要服者取要

去王畿曰甸。甸者，平也。平之義，特羈縻之而已。緩服外四面，又各五百里也。蔡放也。左

也此分要服五百里而為二等也五百里莽服三百里蠻二

for Hall /

又次題名卷三十四

五



里流荒服去王畿亦遠而經畧之者視要服為尤畧也以其荒野故謂之荒服要服外四面又各五百里也流流放罪人之地蔡與流皆所以處罪人而罪有輕重故地有遠近之別也此分荒服五百里而為二等也

蔡氏曰今按每服五百里五服則二千五百里南北東西相距五千里故益稷篇言弼成五服至于五千然堯都冀州冀之北境并雲中涿易亦恐無二千五百里藉使有之亦皆沙漠不毛之地而東南財賦所出則反棄於要荒以地勢考之殊未可曉但意古今地土盛衰不同當舜之時冀北之地未必荒落如後世耳亦猶閩浙之間舊為蠻夷淵藪而今富庶繁衍遂為上國土地興廢不可以一時槩也周制九畿曰侯甸男采衛蠻夷鎮藩每畿亦五百里而王畿又不在其中併之則一方五千里四方相距為萬里蓋倍禹服之數也漢地志亦言東西九千里南北一萬三千里先儒皆疑禹服之狹而周漢地廣或以周服里數皆

以方言或以古今尺有長短或以為禹直方計而後世以人迹屈曲取之要之皆非的論蓋禹聲教所及則地盡四海而其疆理則止以五服為制至荒服之外又別為區畫如所謂咸建五長是已周漢則盡其地之所至而疆畫之也

周禮大司馬乃以九畿之法施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰藩畿

職方氏乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里



曰蠻服又其外方五百里曰夷服又其外方五百里曰鎮服又其外方五百里曰蕃服 大行人邦畿方千里其外方五百里謂之侯服歲一見其貢祀物又其外方五百里謂之甸服二歲一見其貢嬪物又其外方五百里謂之男服三歲一見其貢器物又其外方五百里謂之采服四歲一見其貢服物又其外方五百里謂之衛服五歲一見其貢材物又其外方五百里謂之要服六歲一見其貢貨物九州之外謂之蕃國世一見各以其所貴寶爲準

國語周語祭公謀父諫穆王曰先王之制邦內甸服邦外侯服侯衛賓服蠻夷要服戎狄荒服甸服者祭侯服者祀賓服者享要服者貢荒服者王日祭月祀時享歲貢終王

唐氏曰堯命治水謂成五服自主畿而至荒服面各一千五百里九州之境方五千里爲方千里者二十五九州之

外東漸西被朔南暨聲教者不在五服之內則與九州之法實同無毫釐差矣學者惑於五百里之說謂周公斥大封域九州之界方七千里非也又謂夷鎮皆在九州之外亦非也或謂周之境廣於禹貢五百里雖稍異於鄭氏亦未盡知禹貢也若如二說則不惟不與禹貢合周官旣言六服又言五服祭公謀父周人也不言九服而言五服何哉蓋九服五服一也自禹貢一面言之率五百里爲限周禮以二面言之率以二百五十里爲限則自鎮畿而內二畿而當一服與弼成五服至于五千無纖毫牴牾者周公祭公之說亦不待釋而明矣惟蕃畿在九州之外即所謂東漸西被朔南暨聲教者也周官以二百五十里率之亦非地域止於此也夷鎮尚在九州之內以其荒服使之終王各摯所實同於蕃國行人之言與周官六服合矣不謂



夷鎮卽在九州之外也然則商制如何曰詩頌曰邦畿千里維民所止肇域彼四海自邦畿至四海知其與禹貢周禮同制也又曰自彼氏羌莫敢不來享莫敢不來王中舉來享外舉來王知其與祭公之言合也况作康誥之初周禮未制已言侯甸男邦采衛則周因商禮其可知矣然則王制言四海之內九州州方千里四海之內斷長補短方三千里說者謂商之制有諸乎曰王制漢文帝博士所作自春秋而降四夷交侵中國之境土褊矣王制采六經而作欲行諸當時此乃據所見境土言之豈商制哉方五千里爲方千里者二十五由堯迄周無異制也况禹貢五服自侯服而外已有百里二百里三百里之別與周九畿何異哉今具圖以見禹貢周禮祭公所言皆同制并畿內郊甸稍縣都納總銓結粟米之制具著焉

右畿服之制



文獻通考卷之二百六十一

封建考

宋鄧陽馬端臨貴與著

明靳陽馮天馭應房校刊

王制千里之外設方伯五國以為屬屬有長十國以為連連有  
 帥三十國以為卒卒有正二百一十國以為州州有伯也伯帥正亦長也九長皆因賢侯為之殷之州長曰伯虞夏及周皆曰牧八州八伯五十六正百六  
 十八帥三伯三十六長八伯各以其屬屬於天子之老二人分  
 天下以為左右曰二伯老謂上公周禮曰九命作伯天子使其大夫為三監  
 監於方伯之國國二人使佐方伯領諸侯  
 羊客問子思曰周自后稷封為王者後子孫據國至太王王季  
 文王此固世為諸侯矣焉得為西伯乎子思曰吾聞諸子夏古  
 之帝王中分天下使二公治之謂之二伯殷王帝乙之時王季  
 以功九命作伯受圭璜鬯之賜故文王因之得專征伐此以諸





侯爲伯猶周召之君爲伯也

公羊傳子曰自陝而東者周公主之自陝而西者召公主之一相處乎內

周成王使召康公命齊太公曰五侯九伯汝實征之以夾輔周

室

五等之侯九州之伯皆得征討其罪齊桓因此命以李楚

周襄王命丹氏及王子虎內史叔與策命齊侯重耳爲侯伯

左傳

僖公二十八年

陳氏禮書曰古之官有常名有異名內而爲比長閭師黨正州長卿大夫此常名也及任以師田之事則爲軍將師帥旅帥卒長兩司馬此異名也外而爲公侯伯子男此常名也及當以連屬之法則爲屬長連帥卒正州伯此異名也偶則繫其人連則結其衆以其民之衆足以禦卒然之變故謂之卒以其地之廣有達于重川之遠故謂

之州屬有長則足以長五國而已未足以率十國之衆故連有帥帥足以率十國而已未足以率三十國之衆故卒有正正足以正三十國而已未足以長二百一十國故州有伯則爲人長者才也帥人者智也正人者義也長人者仁也易曰體人足以長人則外之八伯內之二伯皆以其能體仁故也蓋王者有分土無分民建萬國所以分其土親諸侯所以合其人不分其土則其守不專不合其人則其勢不一王制言凡九州千七百七十三國分其土也繼之以方伯連帥之法合其人也周官大司馬比小事大以和邦國職方氏凡邦國大小相維者此也古者什伍之法於州鄉則聯其民於師田則聯其徒於宿衛則聯其官故能以中國爲一人而無內患爲屬連卒州以聯其國爲長帥正伯以聯其人故能以天下爲一家而無外虞然不惟



其官惟其人則法行而事舉詩曰四國有王郇伯勞之是也非其人則法雖存而事廢詩序曰衛侯不能脩方伯連帥之職公羊傳曰下無賢方伯是也方伯連帥之職周道故書與周禮伯皆稱牧者蓋自內言之則屈於二伯故稱牧周官大宗伯八命作牧曲禮九州之長入天子之國曰牧是也自外言也則伸於諸侯故稱伯王制謂方伯之國是也虞十二州則十二牧夏九牧左氏夏之方有德也貢金九牧周九州則九伯而王制言八州八伯則王畿之內不建伯焉鄭氏以為商制是也然周牧伯之名見於經傳多矣連帥特見於詩序若夫五國之屬於經無聞左傳曰晉侯享公請屬鄭豈周所為連屬歟公羊傳曰自陝以東周公主之書曰半公率東方諸侯入應門右太保率西方諸侯入應門左此所謂九命作伯者也與商所謂天子之老二人一矣周

有九伯則畿內蓋亦設牧而太宰言施典于邦國設其牧者以牧之所設主為邦國故也康成釋詩謂周之制使伯佐牧蓋以傳所謂五侯者五牧也九伯者佐侯之伯也孔穎達申之以為一牧之下二伯然質之於商州伯之下無二佐則周州牧之下無二伯

右牧伯之制

周禮上公九命為伯其國家宮室車旗衣服禮儀皆以九為節城方九里宮方九百步執桓圭九寸纁藉九寸以五采韋衣冕服九章龍以建常九旒其屬修樊纁九就一處五采韋為一就貳車九乘介九人貳副也介輔禮九牢為一牲備其朝位賓主之間九十步立當車軼已行禮者也介輔禮九牢為一牲備其朝位賓主之間人廟中將幣三享王禮再裸而酢享必將幣束加於璧饗禮九獻食禮九舉出入五積禾米芻狗三問三勞公之服自衮冕而



下如王之服王十二旒上公龍  
來前後皆九旒

侯伯七命其國家宮室車旗衣服禮儀皆以七為節城方七里  
宮方七百里

步侯執信圭七寸縑籍七寸冕服七章建常七旂樊纓七就貳

車七乘介七人禮七牢朝位賓主之間七十步立當前疾謂駟  
馬車

轉前胡下  
註地者擯者四人廟中將幣三饗王禮壹裸而酢饗禮七獻

食禮七舉出入四積再問再勞諸伯執躬圭其他皆如諸侯之

禮又侯伯之服自鷩冕而下如公之服三公八旒  
侯伯七旒

子男五命其國家宮室衣服禮儀皆以五為節城方五里宮  
方五百步諸

子執穀璧五十縑籍五十寸冕服五章建常五旂樊纓五就貳車

五乘介五人禮五牢朝會賓主之間五十步立當車衡擯者三

人廟中將幣三饗王禮一裸不酢再裸者王既拜送爵又攝酌  
璋瓚而裸后又拜送爵是謂

再裸賓乃酢王也禮侯伯一裸而酢者裸賓賓酢王而饗禮五  
已后不裸也禮子男一裸不酢者裸賓而巳不酢王也饗禮五

獻食禮五舉出入三積一問一勞諸男執蒲璧其他皆如諸子

之禮 子男之服自毳冕而下如侯伯之服王之派及卿前後  
各六旒子男五旒

王制三公一命卷若有加則賜也不過九命次國之君不過七

命小國之君不過五命卷讀作衮三公八命矣復加一命則服  
龍衮與王者之後同若有加則賜也者

謂九命衮龍之外依制不合有其服若有加蓋則是君之特賜  
非禮法之常也虞夏之制天子服有日月星辰周禮曰諸公之  
服自衮冕而下如王之服

下如王之服

### 右諸侯命服之制

大國三軍三萬七千五百人次國二軍二萬五千人小國一軍萬二千  
五百人

陳氏禮書曰周官大司馬主六軍大國三軍次國二軍小

國一軍春秋傳曰成國不過半天子之軍諸侯之大者三

軍可也然軍之多寡係地之廣狹而公侯之田皆百里則

皆三軍矣魯於周為侯而地方百里頃稱公徒三萬此大

國三軍之數也春秋襄十一年作三軍昭五年舍中軍則

魯之三軍蓋嘗變於僖公之後至襄而復作至昭而又舍



也左氏曰季武子作三軍三分公室而各有其一

杜預曰魯本無

中軍惟上下二軍皆屬於公有事三卿更帥以征伐季氏欲專其民人故假立中軍公羊曰三軍者

何三卿也何譏爾古者上卿下卿上士下士

何休曰襄公委任強臣乃

益司馬作中卿官論王制故譏之

穀梁曰古者天子六師諸侯一軍作三

軍非正也啖氏曰天子六軍大國三之一小國半大國數

不必常所以示稱國語曰季武子為三軍叔孫穆子曰不

可今我小侯也處大國之間繕貢賦以共從者猶懼有討

若為元侯之所以怒大國無乃不可乎弗從遂作中軍自

是齊楚伐討魯襄昭皆如楚由此觀之魯於春秋之時尊

事齊楚為不暇則其國次國而已不宜復作三軍作三軍

非正也故春秋書作以譏之作猶作僖公主之類也及舍

中軍以起於禮又書以正之公羊曰舍中軍復古也穀梁

曰復正也其說是也然穀梁言天子六師諸侯一軍啖氏

言天子六軍大國三之一小國半大國其制與周禮不合

是臆說耳春秋之時王命曲沃伯以一軍為晉侯

莊十年其

後晉作三行以增上中下而當六軍則世衰禮廢大夫僭

諸侯諸侯僭天子不足怪也

又曰春秋傳曰列國一同明堂位曰魯革車千乘坊記曰

制國不過千乘語曰道千乘之國蓋諸侯地不過百里車

不過千乘以開方之法計之方十里者為方一里者百方

百里者為方一里者萬方一里者百其賦十乘方一里者

萬則其賦千乘然賦雖至於千乘而兵不過三軍三軍五

百乘而已則五百乘三鄉之所出也千乘闔境之所出也

何則鄉萬二千五百家合三鄉則三萬七千五百家凡起

徒役無過家一人則三軍為三萬七千五百人矣司馬法

兵車一乘甲士三人步卒七十二人合七十五人則一卒



所餘在後車矣後卒復以五十人合二十五人爲一車士卒則所餘五十人又在後車矣凡三卒而車四乘三旅而車二十乘三師而車百乘三軍而車五百乘由此推之天子六軍則車千乘矣此車人參兩以相聯紂之法也詩曰公車千乘又曰公徒三萬則千乘之賦豈特三軍而已哉鄭氏據司馬法井十爲通通爲匹馬三十家士一人徒二人通十爲成成百井三百家革車一乘士十人徒二十人十成爲終終千井三千家革車十乘士百人徒二百人十終爲同同萬井三萬家革車百乘士千人徒二千人率十家出一人之役百家出十人之役賈公彥遂以此爲畿內之法以甸出長轂一乘甲士三人步卒七十二人爲邦國之法然周官之於調役其寡也家出一人其多也起餘子與竭作未聞十家出一人之役百家出十人之役也賈公

彥言出軍之法先六卿次六遂次公邑都鄙乃徵兵於諸侯不止則諸侯闔境出焉所謂千乘之賦也然先王之於天下大則有方伯小則有連帥其待卒應變如身之使臂臂之使指各適其事之遠近而已方伯連率所不能克然後鄉遂之士應之周官曰王之大事諸侯左傳曰五侯九伯汝實征之又曰諸侯敵王所愾則出軍之法顧豈先虛其內以實其外哉馬融曰千乘之賦其地千成居地方三百一十六里有奇惟公侯之封乃能容之蓋惑周禮公五百里侯四百里之制不知周禮之所言者乃附庸也

### 右諸侯立軍之制

王制大國三卿皆命於天子下大夫五人上士二十七人次國三卿二卿命於天子一卿命於其君下大夫五人上士二十七人小國二卿皆命於其君下大夫五人上士二十七人言謂立司徒兼冢宰之事立司馬兼宗伯之事立司空兼司寇之事左傳云季孫爲司徒叔孫爲司馬孟孫爲司空是卿也鄭



注言小國亦三卿差次而言應一卿命於天大國之卿不過三  
子二卿命於其君此惟言二卿則似誤也  
命下卿再命小國之卿與下大夫一命國不著次國之卿者以大  
卿三命則知次國之卿不過再命大國下卿諸侯之下士視上  
再命則知次國下卿一命是故云互明之  
農夫祿足以代其耕也中士倍下士上士倍中士下大夫倍上  
士卿四大夫祿君十卿祿次國之卿三大夫祿君十卿祿小國  
之卿倍大夫祿君十卿祿解見職田門次國之上卿位當大國之中  
中當其下下當其上大夫小國之上卿位當大國之下卿中當  
其上大夫下當其下大夫其有中士下士者數各居其上之三  
分

永嘉徐氏曰先王量祿以分田視口以計食其品節差等  
上焉不至於過制下焉不至於不足諸侯下士享百畝之  
利苟足以代耕免勞苦而已雖不能有餘亦不至不足其  
餘自卿以下其祿各殺一則無多邑踰制之失諸侯分田

雖多祿入自有定數亦無尾大不掉之患此先王制祿之  
美意也且先王分土以封諸侯固宜盡得其地以享侯國  
之富今乃山澤之所有則歸之公間田之所有則歸之公  
侯國之祿餘又待用於天子而不敢私諸侯所得自十卿  
祿之外而無有覲心防閑若過嚴矣然君十卿祿乃君之  
所自得者耳而侯國之公用則取諸地入以給之其山澤  
間田雖歸之公上領於王官而實藏富於天下又封建之  
美意也春秋以來諸侯土地各有財賦皆足以用其民而  
戰其力其山澤之賦列國亦自擅而有之無復君十卿祿  
之制而於卿大夫祿地多踰古制一時諸侯皆任己意以  
行私賞故多強宗大族為國生患晉惠公一入國遽許里  
克以汾陽之田百萬丕鄭以負蔡之田七十萬此豈常典  
也哉在齊威時伯氏亦有駢邑三百在魯成公時施氏之



宰有百室之邑其他國可見矣後如鄭嘗入陳之功子產  
以上卿受八邑三十二井爲邑井九百畝推而計之視古  
時卿四大夫祿之制已大相遼絕矣宋之盟公與左師邑  
六十子罕削而投之齊慶父之變公與晏子邑六十晏子  
辭而復之此惟懼其足以召患故卻而不受有如先王之  
制不暇論矣衛免餘言於衛曰唯卿備百邑晉叔向賦秦  
楚公子之祿皆百人之餼一卒百人其祿足百人此皆徇  
春秋之亂法非王法也

右諸侯建官之制

周官六年五服一朝又六年王乃時巡考制度於四岳諸侯各  
朝於方岳大明黜陟

大行人邦畿方千里其外方五百里謂之侯服歲一見其貢祀  
物又其外方五百里謂之甸服二歲一見其貢嬪物又其外方

五百里謂之男服三歲一見其貢器物又其外方五百里謂之  
采服四歲一見其貢服物又其外方五百里謂之衛服五歲一  
見其貢材物又其外方五百里謂之要服六歲一見其貢貨物  
九州之外謂之蕃國世一見各以其所貴寶爲贄王之所以撫  
邦國諸侯者歲徧存三歲徧覲五歲徧省存覲省者王使臣於諸侯之禮七歲  
屬象胥諭言語協辭命九歲貢瞽史諭書名聽聲音十有一歲

達瑞節同度量成牢禮同數器脩法則十有二歲王巡守殷國

三山林氏曰周官言六年五服一朝大行人言侯服歲一

見至要服而後六年一朝與此經不合唐孔氏雖引歲聘

以志業間朝以講禮再朝而會以示威再會而盟以顯昭

明爲與此經相當然左氏之言是三年一朝六年一會十

二年一盟計十二年之中諸侯之朝不止於二此則十二

年止於二朝然後王巡守亦不得爲相當唐孔氏又以大



行人所云見者皆言貢物或可因貢而見何必皆是君自  
朝乎按周官朝覲宗遇會同皆其君自行故皆言見至於  
問與視則其臣故曰時聘殷覲而已不言見也以見為遣  
使亦非周官之本意然此篇所載六卿與周禮同而惟六  
年五服一朝一句與周禮異當闕之以俟知者

春朝而圖天下之事秋覲以比邦國之功夏宗以陳天下之謨  
冬遇以協諸侯之慮時會以發四方之禁殷同以施天下之政  
此六事者以王見諸侯為文言六服以其朝歲四時分來更迭  
如此而編時會者無常期蓋諸侯有不順服者王將有征討之  
事則合諸侯而發禁事焉禁謂九伐之法殷同即殷見也王十  
二歲一巡守則殷同殷同者乃六服盡朝既朝乃合諸侯而命  
其時聘以結諸侯之好殷覲以除邦國之慝此二事以王見諸  
侯皆使其卿以聘禮來覲天子以禮見之命以政禁之事所以  
除其間問以諭諸侯之志歸服以交諸侯之福賀慶以贊諸侯  
之喜致禴以補諸侯之裁此四者王使臣於諸侯之禮也間問  
春秋禮之甲禮補諸侯裁若  
春秋禮之甲禮補諸侯裁若

世相朝也  
凡諸侯之邦交歲相問也殷相聘也

王制諸侯之於天子也比年一小聘三年一大聘五年一朝

每歲也小聘使大夫大聘使卿朝則君自行然此大聘與朝晉  
文伯時所制唐虞之制諸侯歲朝周之制侯甸男采衛要服六  
者皆以服數來朝天子五年一巡守歲二月東巡守至于岱宗柴而望

祀山川觀諸侯問百年者就見之命大師陳詩以觀民風命市

納賈以觀民之所好惡志淫好辟市典市者賈謂物貴賤厚薄  
也賈則用物貴淫則侈物貴

民之志淫邪命典禮考時月定日同律禮樂制度衣服正之山

川神祇有不舉者為不敬不敬者君削以地舉猶祭也宗廟有不順

者為不孝不孝者君紕以爵不順謂若  
逆昭穆變禮易樂者為不從不

從者君流流放革制度衣服者為畔畔者君討有功德於民者

加地進律律法五月南巡守至于南嶽如東巡守之禮八月西

巡守至于西嶽如南巡守之禮十有一月北巡守至于北嶽如



西巡守之禮歸假于祖禰用特

孟子天子適諸侯曰巡守諸侯朝於天子曰述職春省耕而補不足秋省斂而助不給入其疆土地辟田野治養老尊賢俊傑在位則有慶慶以地入其疆土地荒蕪遺老失賢培克在位則有讓一不朝則貶其爵再不朝則削其地三不朝則六師移之王制天子無事與諸侯相見曰朝考禮正刑一德以尊天子天子賜諸侯樂則以祝將之賜伯子男樂則以鼗將之將謂執以節樂諸侯賜弓矢然後征賜鈇鉞然後殺賜圭璫然後為鬯鬯謂其器乃敢為其事圭璫鬯爵也鬯未賜圭璫則用璋璫故周禮小宗伯注云天子圭璫諸侯璋璫既不但鬯則用董

右朝聘巡守賞罰之制

三皇以來至殷末周初諸侯之見於經傳者

共工氏 女媧末年共工氏任智刑以強霸而不王與祝融戰

不勝怒觸不周山以死

州 甫 甘 許 戲 露 齊 紀 怡 向 申 呂 皆

炎帝神農氏姜姓之後並為諸侯或分四嶽當周室甫侯申伯為王賢相齊許列為諸侯

蚩尤氏 九黎之君始作淫刑不用帝命黃帝與戰于阪泉之野禽殺之

有苗氏 縉雲氏之後作五虐之刑殺戮無辜堯遏絕其世舜攝政放之于三危又命禹徂征七旬而格

虞賓 書虞賓在位注丹朱為王者後故稱賓與諸侯助祭

容齋洪氏隨筆曰堯舜之子不肖等耳舜之後雖不有天

下而傳至於陳及田齊幾二千載惟堯之後當舜在位時

即絕故禹之戒舜曰毋若丹朱傲用殄厥世又作戒曰惟

彼陶唐有此冀方今失厥道亂其紀綱乃底滅亡源丹朱



之惡固在所絕方舜禹之世顧不能別訪賢胄為之立繼  
乎左傳載子產之辭曰唐人是因以服事夏商其季世曰  
唐叔虞謂唐人之季非周武王封於晉者成王滅唐而封太叔又蔡墨曰  
陶唐氏既衰其後有劉累氏曰御龍范宣子曰句之祖自  
虞以上為陶唐氏在夏為御龍氏然則封國雖絕尚有子  
孫武王滅商封帝堯之後於鮪而未嘗一見於簡策史趙  
言楚之滅陳曰盛德必百世祀虞之世數未也滅文仲聞  
蓼與六二國亡曰皐陶庭堅不祀忽諸堯之盛德豈出舜  
皐之下而爵邑不能及其孫何也

有庠 舜封象使吏治其國而納其貢稅有庠在今道州

契 佐禹治水有功舜使為司徒封於商賜姓子氏契子昭明

傳 相土 昌若 曹圉 冥 振 微 報丁 報乙

報丙 壬壬 壬癸 凡十四世而生成湯始代夏有天下

稷 教民播種帝堯舉為農師舜時封於郃稷子不窋傳

鞠 公劉 慶節 皇僕 差弗 毀隃 公非 高圉

亞圉 公叔祖頹 古公亶父 季歷 西伯昌 凡十六世

世而生武王始代商有天下

英六 禹即天子位舉皐陶薦之且授政焉而皐陶卒乃封皐

陶之後於英六至春秋魯文公之時六人叛楚即東夷楚成大

心帥師滅六子燹滅蓼 安國六縣咎陶後堰姓所封國英即

蓼也在光州固始縣

按六蓼雖滅於春秋之時然史記以為禹封皐陶之後  
於英六則是禹時所建之國也

防風氏 汪芒氏之君禹會諸侯於塗山防風氏後至禹殺而

戮之其骨專車其後在春秋時為長狄長狄音尾見狄事跡

有扈氏 夏禹崩啓立有扈氏不服啓伐而滅之天下咸朝有



扈國在雍州南鄠縣

后羿 有窮氏之君太康盤游失德羿距之於河遂廢之而立仲康自鉏遷于窮谷因夏人代夏政信用寒浞為浞所殺

羲和 二氏世掌天地之官至仲康時湏淫胤侯征之

胤侯 仲康時掌六師征羲和

寒浞 伯明氏之讒子弟羿信之以為已相浞行媚于內而施賂于外樹之詐慝以取其國家內外咸服乃殺羿而代之夏遺臣有鬲氏收斟灌斟尋餘燼滅浞立少康

有仍氏 寒浞子夏殺帝相妃仍氏女曰后緡歸有仍生少康有鬲氏 夏為羿浞所代夏之遺臣靡奔有鬲氏自有鬲氏率遺民滅浞立少康有鬲今平原鬲縣

斟灌斟尋氏 二國夏同姓諸侯仲康之子后相所依羿命其子澆用師滅之斟灌故城在青州壽光縣東斟尋故城在青城

北海縣

過 戈 寒浞處其子澆于過獍于戈靡既滅浞立少康少康乃滅澆于過后杼少康子滅獍于戈有窮因是遂亡過在東萊掖

縣戈在宋鄭之間

葛 葛伯與湯為鄰不祀湯征之葛梁國寧陵有葛鄉

韋 顧 昆吾 三國名韋豕韋彭姓也顧昆吾皆已姓也三

國黨桀為惡湯先伐韋顧克之昆吾桀則同時誅

三脛 湯伐夏夏師敗績桀走保三脛湯從而伐之俘其實王桀乃奔南巢三脛今定陶也

氏 羗 西戎國湯時來享來王

荆楚 殷道衰楚國叛高宗伐桀入其阻

鬼方 北夷高宗伐鬼方三年克之

九侯 為紂三公有好女入之紂女不喜淫紂怒殺之而醢九



侯鄴縣有九侯城

鄂侯 爲紂三公紂醢九侯鄂侯爭之強辨之疾紂并脯鄂侯  
鄂一作邗野王縣有邗城

崇侯虎 紂殺九侯鄂侯西伯昌聞之竊嘆崇侯虎以告紂紂  
囚西伯姜里西伯之臣閔天之徒求美女奇物獻紂紂赦西伯  
賜弓矢斧鉞使專征伐西伯遂伐崇崇在京兆鄠縣

黎 殷近王畿之諸侯西伯伐而勝之紂之臣祖伊奔告于紂  
作西伯戡黎黎在上黨東北

密 密須氏不共距周侵阮及共文王伐之密地在寧州

庸 蜀 羌 髳 微 盧 彭 濮 八國皆蠻夷戎狄屬

文王者武王伐商俱以師至牧野羌在西蜀髳微在巴蜀盧彭  
在西北庸濮在江漢之間

巢 殷之臣巢伯南方遠國武王克商乃來朝芮伯作旅巢命

奄 東方淮夷之種武王崩與三監武庚叛周周公討之成王  
即政又叛成王滅之遷其君於蒲姑奄在兗州曲阜縣蒲姑齊

地

樂記武王克殷反商未及下車而封黃帝之後於蓟封帝堯之  
後于祝封帝舜之後于陳下車而封夏后氏之後於杞按殷之  
後于宋

左傳昔周公弔二叔之不咸故封建親戚以蕃屏周管蔡邲霍  
魯衛毛聃邠雍曹滕畢原酆郇文之昭也十六國皆文王子管

雍國在河內山陽縣西畢國在長安邠縣西北邠國在始平鄠縣東邠音成邲縣西北邠國在長安酆縣西北邠國在長安郇縣西北邠國在長安文之昭也十六國皆文王子管

班固諸侯王表序音周監於二代三聖制法謂文王武王立爵五  
等封國八百周姓五十有餘



周成王以後春秋以前諸侯之見於經傳者

畢 畢公高文王子成王時爲司馬又爲太師成王將崩與召太保等同受顧命立康王康王既立率東方諸侯以見王以成周之衆命畢公保釐東郊作畢命畢在長安縣西北其後爲畢萬彤 彤伯姒姓成王時爲宗伯王將崩與召太保等同受顧命立康王時六卿召太保芮伯彤伯畢公衛侯毛公惟彤伯非同姓

密 密康公姬姓共王游于涇上康公從有三女奔之康公不獻于王一年王滅密

邶 武王克商三分其地自紂而北謂之邶南謂之鄘東謂之衛初以處三監三監既叛討平之乃封康叔於衛而以邶鄘封同姓之國其後衛子孫稍并邶鄘二國故邶鄘之詩皆言衛事邶 說見前

檜 姁姓高辛火正祝融之後武王封之爲檜子國在禹貢豫州外方之北滎波之南居溱洧之間夷王厲王之時檜公不務正事而好紮衣服大夫去之於是檜之變風始作幽王時爲鄭桓公所滅

榮 厲王時榮夷公爲卿上好專利王說之諸侯不享王流于

甫 甫侯亦姜姓與申皆太岳之後穆王時甫侯作呂刑崧高言惟申及甫維周之翰卽穆王時甫侯子孫

樊 樊侯仲山甫宣王時爲卿士兼師保之官

韓 姬姓左傳邶晉應韓武之穆宣王錫命韓侯後爲晉所滅

幽王九年史伯對鄭桓公韓地在同州曰武王之子應韓不在

黎 黎姓未詳侯爵國在上黨壺關縣後黎侯爲狄人所逐棄其國而寄於衛衛處以中露泥中二邑黎之臣子作式微旄丘



二詩以責衛不能救黎

右以上皆周以來諸侯之國而亡於春秋以前者  
東坡蘇氏曰傳稱武王克商光有天下兄弟之國十有五  
人姬姓之國四十人爵五品而別三等公侯百里伯七十  
里子男五十里不滿者為附庸蓋二千八百國周室既衰  
轉相吞滅數百年間列國耗盡春秋之世見於經傳者一  
百六十五國蠻夷戎狄亦在其間若夫二百四十年之中  
朝聘會盟侵伐圍入孔子筆之必經公穀發明於傳至今  
猶想見其處今掇取其尤者附次于後

經傳始見諸國圖

姬姓爵姓具

魯侯隱 元經	鄭伯隱 元經	祭伯隱 元經	衛侯隱 二經	邢侯隱 二經
西虢公隱 元經	隨侯隱 五傳	邲伯隱 五經	晉侯隱 六經	比伯隱 七經

滕侯隱 十經	郕子桓 二經	芮伯桓 二傳	荀侯桓 九傳	賈伯桓 九傳
-----------	-----------	-----------	-----------	-----------

曹伯桓 十經	單伯桓 元經	蔡侯桓 十經	息侯桓 十傳	滑伯桓 十傳
-----------	-----------	-----------	-----------	-----------

邢侯桓 二經	虞公桓 一經	周公桓 九經	畢公桓 十四傳	原伯桓 十四傳
-----------	-----------	-----------	------------	------------

毛伯文 十經	巴子文 十經	唐侯宣 十傳	吳侯宣 十傳	召伯成 十經
-----------	-----------	-----------	-----------	-----------

尹子成 十經	北燕伯昭 三經	胡子昭 四經	劉子昭 十經	紀姜侯隱 二經
-----------	------------	-----------	-----------	------------

齊姜侯隱 三經	陳姜侯隱 三傳	杞姜侯隱 四經	南燕姑伯隱 五傳	薛侯隱 十一經
------------	------------	------------	-------------	------------

許姜男隱 十一經	州姜公桓 五經	穀姜伯桓 七經	鄧姜侯桓 七經	葛姜伯桓 十五經
-------------	------------	------------	------------	-------------

兕曹子桓 五經	鄒子桓 十經	梁侯桓 十經	秦侯桓 三傳	麋侯桓 十一經
------------	-----------	-----------	-----------	------------



郊子宣 邛子宣 箕子宣 偁子宣 偁子宣

舒子宣 舒子宣 邛子宣 邛子宣 偁子宣

姓具爵不具 東號 羅熊 夷莊 霍元

中元 魏元 黃二 溫十 任風

顯史 焦二 管二 雍十 邢十

昨元 茅五 蔣六 肅以上七國 揚九

都元 蓼五 六五 關十 杜伯

譚子 弦子 宗子 萊子 杜伯

賴子 鍾子 蘇子 蘇子 杜伯

戴子 鄭子 貳子 軫子 絞以上

牟子 遂子 權子 陽子 共子

異子 道子 栢子 厲子 項子

英氏 江子 巢子 庸子 崇子

舒子 邛子 鍾子 毫子 房子

桐子 附庸 於餘丘子 蕭子 鄣子

極子 向子 於餘丘子 蕭子 鄣子

郭子 夷狄諸種 北戎子 揚拒

泉子 伊子 介子 姜子 長狄子

百濮子 羣蠻子 陸渾子 赤狄子 白狄子

根牟子 潞子 甲氏子 留吁子 鐸辰子

盧子 驪戎子 山戎子 北戎子 揚拒

泉子 伊子 介子 姜子 長狄子

百濮子 羣蠻子 陸渾子 赤狄子 白狄子

根牟子 潞子 甲氏子 留吁子 鐸辰子



茅戎成元  
淮夷昭四  
戎蠻哀四

庸咎如成三  
肅慎昭九

無終襄四  
鮮虞昭十

濮  
肥昭十

奄並昭  
鼓昭十

文獻通考卷之三百六十一



